

儒碩
理學

兩浙名賢錄

二

兩浙名賢錄卷之二目次

儒碩

元

侍講學士鄭景歐

弟繆天隱主一

杭州學正劉應龜

孫居純庚

侍講學士黃晉卿潛

丁性初存

國子編修胡履信助

寶峯先生趙子永偕

孟長文夢恂

鹿皮子陳君采樵

父取青附

蔣敬之宗簡

凝熙先生聞人應之夢吉

純節先生宇文子貞公諒瑞安州同知葉審言謹翁

丹溪先生朱彥修震亨 西山夫子陳成甫紹大

潛齋先生陳公潛剛 徐南夫畸

黃清遠景昌 史文璣伯璿

楊元度璿 兄瑛弟瑀 孫軾同附 馬德珍道貫

松江同知丘子正世良 敖進士繼翁

申屠敬仲激 兄溶 木石先生劉仲愚希賢

陳彥理大倫 潘省中伯修

儒學提舉洪元成欽 方以愚道齋

明

巴陵簿葉世傑子奇 榮陽外史鄭真

王如淵淵 學正俞觀光長孺

翰林校書王子謙受益 孫附 桂教授同德 孫槐附

陳訓導與延 吳訓導元亮

陳履中端禮 弟治從子憲附 退密先生傅淳 父時偕附

汪師道與立 教授趙文祐思盛 子世麟附

黃珏 柿庄先生鄭元亨嘉

翰林學士王景彰景 翰林檢討鄭叔美棠 從兄楷弟桓附

李訓導孟璿

弟仲璣
季衡附

楊九疇範

衛府長史金用誠實

羅儀甫頌

祖紘父
新附

國子學錄朱叔龍文淵

子附

朱克粹純

孫節附

葉士冕黼

湖廣按察使黃孟清潤玉

趙長史季通

鄭孔明伉

贊善徐好古善述

駱則民象賢

徐光岳壽卿

學正周士亨衢

東谷先生鄭世昌延

進士盧舜用璣

教諭包希賢瑜

司訓陳敬佐善

楚府教授詹朝宗源

教諭吾景端呬

靖安令朱天錫祚

慎徽先生黃季榮灝

司訓宋用儀鴻

徐公允晟

學正方景衡銓

王司輿文轅

教授朱日章冕

都事裘天爵仁

光澤令徐子元泰

海陽令毛時正仲

野橋先生戴秉誠圭

仇教授彰

子俊
卿附

訓導李孟昭達

張蘊之璨

藥城教諭俞汝誠子良

翰林孔目支中夫立

子高孫祿
曾孫綸附

國子助教洪廷器

胡惟一純

昌平知州蔣引之

典山令王汝珮

同安令許元夫

貞一先生陸順德

光祿寺署正譚諫

攸縣令孫成叔

長史張廷光

弟景明 場附

黔陽訓導凌時

朱陽仲應鍾

處士范廷潤

布政司都事沈一

工部侍郎蔡汝楠

孝廉陳獻可

徐通判文和

訓導葉尚文

周府紀善凌德

文學許長聖

僉事鍾仁卿

信豐令何思仁

文定先生王世廉

司訓許來鳳

子燭孫 應遠附

南川先生呂程

劉大聲

子振 宗附

邵武同知諸子

教授施一元

鶴洲先生黃子重

學正魯元承

教授戚元輔

弟元弼 元佐附

朱汝賢

子建侯孫 廷益附

教授卜宗周

子相附

姚坦之

子思 仁附

訓導朱汝明

父鳳附

文莊先生吳希華

福建僉事 汝學宗

海屋先生姚翔卿翼

兩浙名賢錄卷之二目次終

兩浙名賢錄卷之二

東海徐象梅仲和氏譔

武原鄭端胤思孟氏閱

儒碩

元 共三十七人

侍講學士鄭景歐

弟陶孫附

鄭滁孫字景歐處州人宋景定間登進士第知溫州樂

清縣累官宗正丞禮部郎官至元三十年有以滁孫名

薦者世祖召見授集賢直學士尋陞侍講學士乞致仕

歸弟陶孫亦登進士第監西嶽祠先陶孫徵至闕奏對稱旨授翰林國史院編修官會纂修國史至德祐末年事陶孫曰臣嘗事宋宋是年亡義不忍書書之非義矣終不書世祖嘉之歷陞奉翰林文字後出爲江西儒學提舉滁孫兄弟在當時最號博洽儒學之士翕然推之隆福宮以其前朝士乃製衣親賜人以爲異遇焉滁孫所著有大易法象通贊周易玩記等書陶孫有文集若干卷

繆天隱主一

繆主一號天隱永嘉人從西山葉味道游博學強記西山深器之後補國學生陞內舍通易書禮三經宋末賈似道蕪湖之敗主一與同舍生伏闕上書攻之德祐初以疾告歸未幾宋亡遂隱居教授晚歲雙目皆瞽大德間郡守庶希憲延爲郡庠經師每日肩輿至齋時初製大成樂禮器祭服制度儀式必諮詢之主一雖瞽而諳練典故記憶不衰與人言壺壺無倦人有問者必答曰在某書某帙人視之果然年八十餘卒於家有易精蘊論學軌範尚書說禮記通考天隱集

杭州學正劉應龜

劉應龜義烏人。潛心義理之學。每以古人自期。咸淳間。游於太學。丞相馬驥高其才。將以女娶之。應龜不可。乃止。由是名稱籍甚。元至正初。起為月泉書院山長。改杭州學正。以身為教。士遵集。樓所著有夢稿。痴稿。聽雨留稿。共二十卷。

孫居純庚

孫庚字居純。慈谿人。生而穎悟。志操端謹。孝友稱於鄉里。嘗從師力學。同舍生以其貧。斥遠之。庚不動容色。益刻苦。磨瀟夜讀。申且由是問學淹貫。論議宏博。及門之士。若桂彥良。王桓。陳恭。皆以學行著聲。其他執經請益者。遠近相踵。庚循循善誘。雖愚蒙陋劣。必使知所趨向。貧不能具束修者。且資給之。使有成業。學者人人感激。以為父師。邑長也。其不花。天澤。普化。咸以師禮禮之。及卒。貧不能斂門人。為執喪葬禮者數百人。所著有雪磯集若干卷。

侍講學士黃晉卿潛

黃潛字晉卿。義烏人。幼俊異。善文。嘗著吊諸葛武侯辭。

登延祐二年進士第累官江浙等處儒學提舉上納祿侍親之請以秘書少監致仕未幾召除翰林直學士知制誥同修國史尋兼經筵官陞侍講學士上章求歸不俟報而行帝聞之遣使者追還京師復爲前官久之得謝而歸卒贈中奉大夫江西等處行中書省叅知政事護軍追封江夏郡公謚文獻危素稱潛之論著如澄湖不波一碧萬頃蛟龍百怪潛伏不動淵然之光自不可犯宋濂贊其肇開科舉卽以儒學自奮嶷然獨任斯道之重上承朱呂道統天下學士咸知師法云

丁性初存

丁存字性初義烏人性質樸不外撓博洽群書善屬文尤長於詩賦屢徵明經不就嘗游宗文何先生門相與闡明理學以遡金許之傳晚年優游盤谷四方學者羣趨之所著有雲崖雜稿若干卷藏於家

國子編修胡履信助

胡助字履信一字古愚東陽人刻志問學悉究經史百氏大旨舉茂才授建康路儒學錄吳徵過金陵見助詩文大加賞異用薦改翰林國史院編修官至順間再轉

國子編修助狀貌清古平生誠實無偽見人有善亟稱之素薄勢利故與人無怨惡嘗作大拙小拙傳以寓意所著有純白類稿三十卷

寶峯先生趙子永偕

趙偕字子永慈谿人少立志不凡初業舉子嘗讀楊文元公所著書恭默自得乃悉棄舊業尊崇之雖處山林恒有憂世之色邑令陳文昭親至門受學平居躬行孝友日舉聖賢之言以裁小子狂簡學者稱為寶峯先生

孟長文夢恂

孟夢恂字長文黃巖人師事楊珏陳天瑞講解經旨體認精切用薦署本郡學錄至正中以設策禦寇功授宜興州判官未受命而卒賜諡康靖所著有性理本旨四書辯疑漢唐會要七政疑解及筆海雜錄等書

鹿皮子陳君采樵 父取青附

陳樵字君采東陽人父取青慷慨負志節從石一鼇與聞考亭之學樵幼承家訓長受經於李直方書無不讀因研覃遺經思一洗支離穿鑿之病逾四十年乃入東白山太霞洞中著書其微詞奧義多前儒未經道者宋

漁稱其以超絕之資曠視千古若一旦暮期以孔子爲師而折衷羣言之是非可謂特立獨行而無畏懼者也。爲文自出機軸嘗言文章含六籍弗講而事浮詞綺語何哉所著古賦十餘篇絕似魏晉一時名士如虞集黃潛歐陽玄等皆向慕以爲不可及樵性至孝父病痰咯咯不能吐樵親以口吸之母歿樵不及識見遺衣輒奉之而泣生平未嘗言利家雖素饒終其身惡衣菲食澹如也遇歲饑竭廩粟以賑里閭自取來牟續食好衣鹿皮因自號鹿皮子有鹿皮子集飛霞觀稿合數卷年八十八卒。

蔣敬之宗簡

蔣宗簡字敬之鄞人幼爽敏有雋聲程端禮歸自江東宗簡以弟子禮謁見留門下數歲凡天人性命之本古今治亂得失之迹靡不參究乃束書入山中盡取易詩春秋諸家之說而折衷焉試有司不偶輒棄去或謂宗簡不以壯盛挾所長取青紫獨用古文自詭奚益宗簡笑曰使吾理明氣亮於爲文決科何有得不得命也文有古今之異耶旣而遇臨川危素於金陵語洽欲偕至

京師以母老乃市所未見書數百卷以歸益折節讀書種學織文爲世名儒翰林柳貫見其文擊節賞異方具薦牘而宗簡已屬疾不起年三十有二人以顏子方之

凝熙先生聞人應之夢吉

父詵老附

聞人夢吉字應之金華人父詵老嘗游王魯齋之門夢吉受學家庭父子自爲師友手抄七經傳疏深究義理閉戶十年悉通奧旨學者爭趨之以鄉貢授校官累遷泉州教授前後學徒著籍者毋慮二千人隨其資質而裁補之多爲成材至正戊戌治書侍御史李國鳳經略江南承制授福建等處儒學提舉辭不上晚年避地永康之魁山卒年七十平生信道旣篤涵養益純識與不識莫不稱之爲有德之君子門人宋濂等謂其執醇而不變含和而有耀私謚曰凝熙先生

純節先生字文子貞公諒

字文公諒字子貞吳興人通經史百家弱冠卽有搢行登至順四年進士自高郵司理除國子助教六館之士資其甄陶者往往出爲名臣調國史院編修以病得告後召爲國子監丞除江浙儒學提舉改僉嶺南廉訪司

專以疾請老。卒。公諒平居。雖暗室。必正衣冠。端坐。嘗撰
手記一冊。識其首曰。晝有所爲。暮則書之。其不可書。卽
不敢爲。天地鬼神。實聞斯言。其檢飭之嚴如此。所著有
折桂集數十卷。學者私謚爲純節先生。

瑞安州同知葉審言謹翁

葉謹翁字審言。金華人。性明達。於書無不讀。由家傳之。
端緒。沂儒先之源。委卓然自立。許謙柳貫張樞黃潛咸
樂與爲友。歷官浦江義烏二縣教諭。調簿晉江。授瑞安
州同知。致仕卒。謹翁天性孝友。治家有法。吉凶慶吊。一
遵呂氏家範。曰吾有所受之也。所爲詩文和易平實。無
纖麗之態。有四勿齋稿若干卷。藏於家。

丹溪先生朱彥修震亨

朱震亨字彥修。義烏之赤岸人也。天資爽朗。讀書卽了。
大義爲聲之賦。刻燭而成。豪邁負俠。聞許謙之學。卽樞
衣至門而師事之。謙爲開明聖賢大旨。震亨心解。抑其
豪宕。歸於粹夷。不以一毫苟且自恕。而欲見之踐履。嘗
應試不利。歎曰。不仕固無義。然得失則有命焉。苟推一
家之政。以達於鄉黨州閭。寧非仕乎。其家故有祭田。而

祭無恒所乃建祠堂以奉先世神主講行朱子家禮屏釋老之教罷瀆神之祀持公平以服衆心排紛難以安閭里人多德之俄母病延醫因自悟曰人子而不知醫或委之庸人寧無失乎於是研究醫學博求名師得羅知悌之傳治症多獲奇效嘗著宋論格致餘論局方發揮傷寒論辯外科精要發揮本草衍義補遺丹溪心法學者因其所居稱為丹溪先生

西山夫子陳成甫紹大

陳紹大字成甫黃岩人以儒學名家元初學者爲文競循聲律紹大獨以性理之學自任爲文章必傳經義治尚書作四書辯疑生徒至二百餘人並稱之曰西山夫子

潛齋先生陳公潛剛

陳剛字公潛平陽人受業胡石塘先生之門晝夜研索遂通易詩書三經旨要嘗著五經問難四書通辯述歷代正閏圖說渾天儀說歷代官制說禹貢洪範手抄爲文章學西京爲詩賦效魏晉每應試累不就乃曰吾學豈不如今人吾才豈不逮古人吾之不得命也父母皆

八十。孝養至篤。後兩目俱盲。人有求其文者。猶能夜以運思。而且以口授。雅正高古。纍纍如貫珠。然教授弟子。未嘗有虛歲。堂上之席嘗滿。鄉里皆稱曰潛齋先生。

徐南夫疇

徐疇字南夫。一字叔範。蘭谿人。自少穎敏絕倫。力學好修。兼明春秋戴記。而於易尤造其微。嘗言人出而仕必行道。濟時求不負其君。處而隱必立身行善。求不負其先。否則碌碌耳。其居家孝友。處朋友鄉黨。一於義正直不阿。爲文雅贍有法。隱居教授。學者稱爲天民。詔以賢良徵。郡邑敦請。固辭不起。或勸之仕。曰。以經淑人得之。而仕是亦仕也。所著有周易解微三卷。禮記心法二十卷。文集若干卷。

黃清遠景昌

黃景昌字清遠。浦江人。四歲入小學。十二歲能屬文。長從吳思齊。謝翱游。益通五經。諸子詩賦。百家之言。尤極意尚書春秋之學。三傳異說。學者莫知所從。景昌據經爲斷。作春秋舉傳論。又作周正如傳考。蔡氏傳正誤。古詩考。晚自號田居子。述田間古調辭九章。重紀至

元二年卒

史文璣伯璿

史伯璿字文璣平陽人自幼嗜學強記博通經史及諸子百家之說精究四書深得朱子之旨時饒氏輯講許氏藜說胡氏通旨陳氏發明與朱子背馳者乃著四書管窺以辯明之又著管窺外編論諸經史天文地理古今制度名物學者傳誦焉人勸之仕則曰讀書本以善身為仕而學豈吾志也遂隱居不仕卒年五十六

馬德珍道貫

馬道貫字德珍金華人弱冠時偕弟德璋師事許文懿於八華山得濂洛之學文懿以詩期勉之甚至文懿歿哭臨制服如親喪學者稱之所著有尚書疏義六卷詩文若干卷自號一得叟性恬退非公事不入城府棲遲衡泌裕如也說者以為有古高尚之風

楊元度璿

兄瑛弟瑀孫軾同附

楊璿字元度餘姚人也喜學問師事柳待制貫與海內博洽者談數困服之以是名重一時註詩傳名物類考侍御史姚黻上於朝後以歲貢歷寧海縉雲及本州學

官值南北盜起避地邑之梅川以著述終兄瑛弟瑀孫
軾同並有名而軾同尤以詩顯於景泰天順之間

松江同知丘子正世良

丘世良字子正父璫由台州徙錢塘良幼穎悟讀書過
目輒解父喪奉母以居日益貧教授市中經傳子史百
家之言靡不蒐究用薦爲海鹽州教授復學田千餘畝
秩滿除杭州路教授既代授慶元路總管府知事良所
定文牘吏不敢舞文法爲奸仕終松江府同知所著有
梯雲集六卷隨筆二卷

敖進士繼翁

敖繼翁烏程人少長邃於經術冬不爐夏不扇日讀必
至夜分而寢雞鳴卽興以爲常由是目無不覽之書每
與人談論今古滾滾如黃河之東注然未嘗以學驕人
對僕隸亦辭色溫和進止出入皆有常度初任定成尉
以父任當補京官讓於弟尋擢進士對策忤時相遂不
仕益精討經學於六經皆有疏說發爲文章春金戛玉
以大家稱於東南有文集二十卷

申屠敬仲澂

兄溶附

申屠激字敬仲諸暨人父性受業黃文獻公之門激與兄溶得其淵源謹言端行並爲鄉里所重而激尤寡合望之容色毅然至有所請則溫煦和婉辯析必盡工古文辭春容簡奧精篆籀小楷咄咄秦晉辟本路教授辭疾不行晚節益堅有遺世獨立之意所著有孝全摭言數卷藏於家

木石先生劉仲愚希賢

劉希賢字仲愚鄞人少嗜學長從鄉先生薛觀學春秋博習強記爲文敏疾舉進士第授太平路天門書院山長講論經傳得其旨歸後改會稽教諭見雅樂敝弛喟然歎曰聖人制樂所以格神人和上下定民志詎可缺哉乃捐俸率諸生命工修飭秩滿陞江浙儒學副提舉致仕所著有春秋比事鉅窩類稿自號曰木石子人因稱爲木石先生

陳彥理大倫

陳大倫字彥理諸暨人也始學於從兄洙後事吳淵穎先生絕意仕進以教授爲業元末避兵流子里作晚香亭日與賓客暢飲高歌舉座絕倒嘗語人曰吾平生無

他嗜唯攻文成癖孳孳仡仡垂四十年昔之人如此者何限今皆安在哉每搔首自傷識者亦共傷之所著有春秋手鏡尚雅集

潘省中伯修

潘伯修字省中黃巖人嘗三舉於鄉至春官輒不偶遂決志隱居教授以著書爲事旁通天文地理律曆之學爲詩文皆寓微意曰文章不關世教雖工無益也方國珎寇海上浙江叅政朶兒只班總兵至將盡屠邊海之民伯修挺身率父老詣軍前力爭之曰倡亂者獨國珎爾吾民無非也乃得免後竟爲國珎所害黃雲泉有言潘先生莫邪大劔也其精光足以動星斗其鋒鏑足以破堅珉而不保其缺折之患雖然不害其爲千金之寶也嗟夫寧爲玉碎毋爲瓦全其潘先生之謂與

儒學提舉洪元成欽

洪欽字元成温州人博學能文詞平居議論必依名節至正中爲長州縣學教諭會張士誠陷平江欲用之欽抗節不屈居數日乘間脫走見丞相達識貼睦邇言其狀丞相重歎以爲臨難不撓真師儒也用承制授將仕

郎江浙儒學副提舉。雖當亂世，化導不衰。元亡，歸卒於家。

方以愚道儼

方道儼，字以愚，淳安人。蛟峯先生之曾孫也。從同里吳朝陽先生游，以春秋名當世。登至順二年進士第，授翰林編修官。所撰后妃功臣諸列傳，筆削大義，獨斷於心。無能議者。調嘉興推官，凡讞獄囚，必脫其桎梏，賜之飲食。溫言和氣，以探真情。再調杭州判官，遂引疾以歸。洪武初，兩被召，俱不赴。所著有春秋集釋十卷、愚泉詩稿十卷、詩說一卷、文說二卷、選唐詩一卷。

明 共一百四人

巴陵簿葉世傑子奇

葉子奇，字世傑，龍泉人。至正庚寅，以薦試方州，中第四人。退隱不仕。國初，浙江行中書省復以學行薦，廷試高等，授岳州巴陵簿。尋致仕卒。子奇少極穎悟，壯遊王剛叔門，聞理一分殊之旨，乃知聖賢之學，不貴多聞，以靜為主。因自號曰靜齋。所著有範通玄理、草木子等書。

榮陽外史鄭真

鄭真慈谿人博極羣書在鄉里恂恂然不以才藝矜人嘗取諸家格言著爲集傳集說集論洪武初試浙闈居首選授廣信府教授號榮陽外史

王如淵淵

王淵字如淵永嘉儒志先生之九世孫也通詩書二經洪武三年舉進士以疾告歸淵性急直人有過必面折之毅然以作興後學爲己任循循誘掖寒暑晨昏無倦色貧而來學者輒以衣糧資給之所著有詩書題斷蓮

塘稿

學正俞觀光長孺

俞長孺字觀光新昌人歷諸暨州學正治經敦行刻勵好修晚年所造益深其教門人務以反身自約遠近嚮之所著有心學淵源及詩文共數十卷

翰林校書王子謙受益

王受益字子謙山陰人洪武中舉明經爲山陰訓導淹貫經史尤邃於春秋善指授多所發明嘗病傳註繁蕪或失作者本旨乃取諸家疏義折衷之哀爲春秋集說後召入翰林校書受益與韓宜可薛正言先後典學於

鄉至今鄉校頌述之稱三先生而不名

桂教授同德

孫槐附

桂同德慈谿人謹厚敦樸篤信好學於經史無不淹貫身若不勝衣吶焉似不能言者坦坦無兢學行聞於遠邇經生學士過從請益者無虛日教授郡庠以德行為本立諸生講下懇懇言曰窮經究史固學者事而入孝出悌尤所當先今日之孝即他日之忠忠孝兩全人道備矣苟規規章句而踐履不力此為人之學非聖賢之學也故一時親炙其教者咸有成立所著有容齊集裔孫槐以知兵拜錦衣百戶篤於人倫而儻好施有古學士風

陳訓導與延

陳與延名延以字行鄞人也記覽該博而尤熟於春秋當元季盜起人不聊生悉散貲產以贍諸親舊之貧者僅存周廬田數十畝朝耕暮讀雖際屢空裕如也洪武二十七年邑大夫多其賢薦授本邑訓導開誘諄諄先義後利一言一行唯恐或後古人故當時從游之士接其模範者率知敦尚古道云

吳訓導元亮

吳元亮仙居人。洪武中爲嵎縣訓導。沉静方嚴。動必以禮。講明正學。以開後進。及卒。與僚友諸弟子訣。整衣拱手。端坐而逝。

陳履中端禮

弟治從子憲附

陳端禮字履中。定海人。志搯古雅。博究羣籍。動不踰矩。壺闔整肅。不聞內言。集子弟講明經術。謂聖賢之學。自修身齊家。以達於天下。寧拘拘章句邪。弟治從子憲相繼登第。爲御史。端禮作廉說以規之。嘗曰。汝輩盡忠朝廷。不負予教。則予得肆情泉石矣。乃築室別墅。遠心著述。時鄭瑒爲郡守。始行鄉飲禮。以敦崇齒德。親詣端禮之門迎之。說者謂賓主俱賢。有禪風教云。所著有喪祭禮儀註解。

退密先生傅淳

父時偕附

傅淳慈谿人家。世業儒。父時偕以道學鳴於鄉。淳能傳其家學。鄉人稱爲退密先生。有洪範敷言性理。藜說大學補略。視志稿藏於家。

汪師道與立

汪與立字師道金華人受業於范祖幹其德行與何壽朋齊名而文學似爲過之嘗謂學者當視古人爲不足毋視今人爲有餘人以爲名言隱居教授不求聞達優游林泉以高壽終

教授趙文祐思盛

子世麟附

趙思盛字文祐鄞人也博物洽聞涉獵羣經而尤邃於春秋洪武初訓導郡庠八年遷教授啓迪不踰矩矱生徒景慕後引年歸里雖在耆耄書不去手時稱邃於文學子世麟克紹先志十五年聘上春官擢監察御史以

清白名

黃珏

黃珏餘姚人初學春秋後見四明黃彥實說尚書心好之乃更受尚書隱居教授浙之言尚書者多宗事之居恒對人喜談邵子皇極經世書旨趣淵妙貫徹天人有以自樂

柿庄先生鄭元亨嘉

鄭嘉字元亨山陰人篤行寡言性至孝母病嘗糞甘苦衣不解帶母未復初卧不就枕窮經好古而於詩尤工

與錙績唐之淳相上下。是時柯亭王佑爲侍郎，方貴顯。與嘉同里，而里中無少長，皆輕佑而重嘉。見輒曰：「此柿庄先生。」

翰林學士王景彰景

王景字景彰，松陽人。修癯美髯，平居好挾策，矢口成章。時稱其文章上繼屈宋，下並班馬。洪武間，與楊宜同舉鄉試，初授懷遠令。歷官山西右叅政，下吏以糧撓法，累謫雲南。靖難師起，赦至京師，與修高廟實錄，以吏部尚書張紘薦，陞禮部右侍郎，兼翰林侍講，克總裁官。

成祖入繼大統，擢翰林學士。時言建文君崩，上問景葬禮，景頓首言：「宜用天子禮。」上從之。一時詔勅皆出於景。景居官立朝，不變鄉語。一日，上欲出師，值大雨，上不懌。景從旁語曰：「此乃上天爲陛下洗干戈耳。」左右不辯其云何，獨永嘉衛士竊笑而奏之。上大悅，卽擢爲親軍指揮使。後徙居銅陵，有詩文集若干卷。

翰林檢討鄭叔美棠

從兄楷弟桓附

鄭棠字叔美，浦江人也。與從兄楷、弟桓俱受業宋景濂之門，以文學稱。永樂初，用禮部尚書李至剛薦，入翰林。

與修大典書成吏部銓試第一除翰林院典籍仁宗
 為太子監國南京選儒臣進講與王汝玉等九人在選
 敷陳從容眷待殊渥秩滿陞翰林檢討以疾告歸所著
 有金史評及道山集二十卷從兄楷字叔度蜀王聞其
 賢奏除王府教授賜號醇翁陞長史致仕著有鳳鳴集
 弟桓字叔瑞隱居著書或以其名達之蜀王王每顧楷
 曰叔瑞可謂清逸之士人遂以清逸處士稱之所著有
 聖朝文纂文章正宗續文章正宗金華賢達傳進德齋
 稿

李訓導孟璿

弟仲璣季衡附

李孟璿海塩人祖元白以賢良方正起家官嘉興副總
 管清白有吏績璿永樂中以經明行修被薦歷嘉興汝
 寧訓導教養有法士風蔚起所著有南庄集弟仲璣季
 衡皆有文行聲譽重於一時

楊九疇範

楊範字九疇鄞人踐履誠確雖燕居恒盛服端坐讀書
 至夜分不懈教授里中視世之毀譽榮辱漠如也永樂
 間有巫稱龍神道人禍福人如影響家趨戶迎官不能

禁範作文喻之，弗止，躬往見巫，碎其首，匍匐於地，時擁巫羅拜者百數十人，皆驚悟散去。郡守鄭珞，邑令張鐸，咸賓致以訪政事，所著有四書直說道統言行集。孫守陳守隨守隅守陞，曾孫茂元、茂仁皆登顯仕，各有傳。衛府長史金用誠實。

金實字用誠，衢之開化人。自幼穎悟絕人，書過目輒成誦，屏去浮靡，專意經傳。弱冠補博士弟子，識者目爲重器。歲壬午，太宗入繼大統，實稱布衣詣闕上書。

太宗善其言，復親策之，對稱旨，命入翰林，與修皇帝實錄。書成，擢翰林典籍，修永樂大典。未幾，選爲東宮講官，以外艱去。服除，陞左春坊司直，卽日侍經筵。講說詳明，有良佐之褒，復以內艱去。哀毀成疾，踰十年始起任職。仁宗登極，簡宮僚爲諸王輔導，乃授衛府左長史。復召入西掖，纂先正格言，以備顧問。丙午，歸謁先塋，恩賜優厚。拜奠旣畢，日召鄉黨宗戚相與燕樂，以榮上。賜正統嗣位，郊祀謁陵，悉以命王左右之力。居多未幾，王薨，哀感成疾，上疏乞骸，命下而卒。年六十九。實天性孝友，少肄業學宮，以不得奉旦夕懽，朔望歸省，必奉

觴上壽以悅親心。愛季弟老而彌篤。周貧恤難。不吝所有。故人林文節卒於京。親爲殯。歛歸其喪。閱經史。日有程限。或有事妨。夜必補之。不以寒暑少廢。故諸經子史。悉能探其賾而知其非。嘗曰。人不能無非。覺而正之。斯善矣。遂伯玉行年五十。而知四十九年之非。仲尼以爲君子。因以覺非名齋。爲文章。春容暢達。理與氣俱。詩則和平冲淡。無雕琢之病。有集若干卷。藏於家。

羅儀甫頌

祖絃父新附

羅頌字儀甫。山陰人。祖絃父新。並以儒學名於時。頌性淳樸。鮮嗜欲。力敦古道。能讀祖父書。過目輒成誦。當其

會意時。雖食寢亦不自覺。經史百家。古今載記。及佛老諸書。裨官小說。罔不攬竒鉤玄。著之篇章。爛然成一家言。弟子及其門者。各有所就。褒衣博帶。從容曳履。見貴勢。無加禮人。亦不敢以貴勢加之。太守戴琥崇禮隱逸。於頌猶注敬焉。嘗聘修郡志。未成而歿。然文獻賴以有徵。所著有易齋札記。及諸所訓詁詩話。二百餘卷。稱梅山藜書。羅氏三世隱梅山。各以文學鳴於時。卓爲越之儒宗。云。

國子學錄朱叔龍文淵

子宣附

朱文淵字叔龍山陰人。洪武間以太學生請闕陳時政，忤旨謫戍。雖歷顛沛而志行益堅。宣德丙午，大臣薦其直節，宜錄用。授滑縣訓導，講學行禮，以身先多士。化及齊民，擢國子學錄。尋致仕歸。年已大耋，猶手不釋卷。郡大夫政有所疑，輒造其廬問焉，不敢以呵導先。其爲隆禮如此。子宣亦世其春秋學，以孝義聞。

朱克粹純

孫節附

朱純字克粹山陰人。博雅有儒行，以明經教授鄉里。能詩，風格高古。與邑人羅頎、張嵩輩結鑑湖吟社。太守戴琥深敬禮焉。所著有陶鉛驢背自怡等集。其孫節起家進士官監察御史。按山東，振舉憲綱，統兵勦賊，卒于師。朝廷憫其死事，贈光祿寺少卿。

葉士冕黼

葉黼字士冕，太平人。博通經史，真知實踐。以古道自持，貧而好施。授徒所得束修，恒均鄉族之貧者。嘗折衷學庸衆說，摭取朱子語錄及黃超然通義相發明者，附周易本義，繕錄未終而卒。學者惜之。

湖廣按察使黃孟清潤玉

黃潤玉字孟清世爲鄞人永樂初徙江南富民實北京父良當行玉時年十三詣官請代官少之對曰父去日益老兒去日益長官異而從之抵京受廬北城外十里所沙漠沍茫無人烟玉與同後築室而居傾貲給徭役墾闢鬻蔬以爲生稍隙輒肆力於學以已心爲嚴師而靳造於聖賢擇然後語揆然後動間爲文辭不作組麗蕪刻之語而理致淵永補郡庠生以禮經魁北闈會試乙榜授建昌府學訓導改南昌以薦拜行在交趾道監

察御史出按湖廣威望赫然正統初薦陞廣西按察提學僉事屏浮薄獎賢俊士風丕變改湖廣按察司使以不肯屈節上官被誣劾不諳刑律左遷含山知縣請老致仕歸以子隆貴封南京刑部主事居家簡出日惟玩味經義無厭足平生著述甚富以朱子嘗欲編禮記附儀禮廼取儀禮分爲四卷而以禮記比類附之又以五禮獨缺軍禮因取周官大田禮補之而以禮記諸篇載田事者附焉別爲一卷通爲之註釋總曰儀禮戴記附註以小學四書諸經註家或遺或誤撰經書補註以大

學中庸旨皆淵奧撰學庸通旨以禮記深衣制十有副
鄭氏誤註爲裳遂撰考定深衣古制嘗因安遠侯柳溥
問古兵法爲註孫子其他備論理事曰南山錄雜著詩
文曰南山稿皆藏之家

趙長史季通

趙季通天台人力學篤行稱名儒由教官知永豐龍溪
二縣寬厚愛民以最召與修高皇帝實錄累遷國子
博士進司業與董子莊同被選爲趙府左右長史二人
皆端平有操守隨事規益不肯詭隨以希寵遇每侍講
讀多所開悟王重之折節降禮稱之必曰先生當時論
親藩輔導之良以二人爲極選云

鄭孔明伉

鄭伉字孔明常山人性穎異負志不羣博通五經諸書
尤長於易初補郡博士弟子員既歷游丁息軒吳康齋
之門遂棄時學務求實踐確然以聖賢自期事父母存
歿盡禮立義塾義廩以教贍其族黨孝義之稱內外無
間督學使者屢辟應試終不出所著有讀易管見易通
發明觀物餘論卦贊蛙鳴諸稿藏於家

傳石
卷之二
三六
贊善徐好古善述

徐善述字好古天台人。邃於經學。工爲詩。以薦授桂陽州學正。持身嚴慎。士子欽之。陞國子監助教。同官侯復性剛急。善述婉曲諭之。復自是忿矣。消沮。每遇善述曰。我見公心輒懽然如飲醇。公真今之叔度也。仁宗在東宮。簡入爲宮僚。授左春坊司直郎。每作詩。使善述指摘數過。乃已。多自書。睿製以賜之。善述亦夙夜匪懈於文事。多所啓沃。仁宗每見聽納。陞右贊善。以疾卒於官。善述爲人淳厚質實。學術端正。耿介恬靜。不爲阿附。仁宗卽位。追念輔導之良。贈太子少保。謚文肅。命有司立祠墓。側歲以春秋祀之。

駱則民象賢

駱象賢字則民。諸暨人。篤行好學。於書無所不窺。爲文直述事情。不求華緻。時嘗斟酌六禮。要表帥鄉俗。鄉人化之。爲園於楓溪之上。圖書滿屋。至老玩讀。不輟。家素饒。值歲飢。出粟千石以賑。朝廷賜勅旌異。仍復其家。所著有羊棗集。篤終易覽。溪園遺稿。歸全集等書。

徐光岳壽卿

徐光兵字壽卿新昌人郎中志文之子也自幼聰敏好學尚氣節不安交游請於父曰兒不能爲舉子業取科第願盡讀天下書使行已無媿古人可乎父許之乃結如斯亭藏修其中日夜研究羣書至忘寢食旣而克然有得乃從父友陳獻章莊景輦遊聞見踐履益到年方壯人卽目爲巨儒景輦尤加愛重春風亭以居之其詩文賡唱徃返載景集中

學正周士亨衢

周衢字士亨平湖人篤學慕古樸雅弗事華靡景泰元年領鄉薦任膠州學正以禮率人訓迪無倦諸生有衣食弗給無力喪葬者出俸助之致仕歸肆力經史所著詩文追躅古人立心行已無不可對人言者

東谷先生鄭世昌延

鄭延字世昌海鹽人其先有元璠元琰者俱以學行顯延性孝友方正博學能詩文以尚書教授門人以其業顯者三十餘人皆尊之曰東谷先生天順壬午貢太學成化乙未授廣東市舶司副提舉諸番無敢以方物及門者白沙陳獻章贈詩曰溪魚海舶各歸去明月自照

傅石
芙蓉峯黃門張寧稱曰力學能文通知典故吾邑未之
或先歷仕二考以疾卒於任

進士盧舜用璣

盧璣字舜用松陽人家貧力學懷抱甚高天順甲申第
進士廷策近萬言皆切中時弊李賢當國欲羅致之不
屈遂上疏請正官闈名分及闈寺引浮屠圖煽惑事言
甚剴切執政外忌萬妃內短疏人不報未幾復詆權奸
謫戍銅鼓汪直臨邊諷使見之許其入朝璣曰此膝不
屈於人久矣益厲志理學辯論古今未定之說其闢元

劉謐三教平心論可與佛骨表並稱作真字補遺十目
其圖說深得聖賢之旨其雜論責宋舊臣遺士不應仕
元異端不生於天地之前與訂誣諸說俱出人意表
孝宗皇帝在東宮已聞其名即位首詔起之已不可復
作矣

教諭包希賢瑜

包瑜字希賢青田人窮經博古篤學力行一言一動無
不以聖賢爲法由舉人任教諭非其好也淮王聞其賢
脩書幣聘進講便殿輒稱先生所著通鑑事類一百二

十卷左傳事類四十卷王閱之喜甚遂梓行仍命工肖
瑜像親爲之贊曰見道之真履道之正咳唾古今寤寐
賢聖傳獵經蒐回瓢點詠衣冠肅如後學企敬居七年
告歸投老撰述甚多以壽卒

司訓陳敬佐善

陳善字敬佐海鹽人天資穎悟性豪邁與方洲張寧同
時相伯仲銳志勤學攻古文辭每飲酒半酣捉筆立就
數千言文不加點意味深長辭調高古屢試不售以貢
舉業成均安貧自樂不以仕進爲念邑令李雲造門敦
勸始出就崇陽司訓未幾致仕歸性潔亢與止寡儻儻
粟屢空未嘗苟取一介求詩文者非其人雖重幣不受
人以是益高之

楚府教授詹朝宗源

詹源字朝宗松陽人任湖廣楚府教授初見王無所覩
獻以二帝三王之道上啓王喜其言及掌簿正司出入
却分例王益賢之常語其世子曰詹先生學行近古剛
方正直汝宜師之幾三年辭歸構屋一區與子姪業儒
者居之及定房籍請書契源曰汝居之卽爲汝屋焉用

契爲平居足跡不入公門。邑大夫重其儒行。數就見請。益見所居庫陋。請撤而新之。源固謝不許。或問之。源曰。此先世所遺。可庇風雨足矣。且吾生於斯。長於斯。朝夕饘粥於斯。亦將正寢於斯。以待盡而已。無事而更新之。令子孫何以師先世之儉。邑大夫聞而嚴重之。終其任。不敢輕以寸幣相餉。

教諭吾景端

吾皞字景端。開化人。方正端嚴。動由規矩。中鄉魁。教諭江浦。乞歸講學。自怡。弟子千餘人。隨其分量。咸有所得。皆成名士。主事林沂。潘府常同。陳獻章。章懋薦之。謂醇儒。可大用。聞望顯著。人咸以不得見爲歎。與章懋樊瑩尤契厚。年七十卒。門人方豪狀其行。章懋表其墓。有曰。君之所詣。茂叔伯淳人之所惜。何蕃劉蕡所著有朱子讀書法。還山稿。五箴解等書行於世。

靖安令朱天錫

朱祚字天錫。海鹽人。生而警敏。七歲日誦數千言。甫成童。學爲古文詞。遍訪士大夫家遺書讀之。惟日不足。成化丙午。以尚書領浙薦。一試禮部。弗售。以母老不再行。

授尤溪令，有惠政，改江西靖安，治靖安如尤溪，民皆稱之。曰：豈弟甫二年，疽發背卒，祚氣宇冲融，尤喜獎引，後進其學以五經為本，發之詞章，春容麗蔚，一根理，要嘗慕司馬溫公為人，歲置一冊，動必書之，以自警。所著有拙齋漫稿、雲谷集若干卷。

慎徽先生黃季榮灝

黃灝，字季榮，遂昌人，博學自淑，不樂仕進，人多與之遊。嘗語人曰：為學大要在慎徽五典而已，舍此皆贅麗也。有慎徽遺稿，言多簡要，門人私謚為慎徽先生。

司訓宋用儀鴻

宋鴻，字用儀，開化人，夙負異稟，致力遠大，學務深潛，每事必求實踐，嘗受易於吾埠，為所器重，為文典雅有則，四方從遊者甚眾，端本正業，多所造就，鄉人敬信，皆呼先生，有疑必咨，有過惟恐其或聞焉。應貢司訓，宜與以道，自尊身為模範，士民愛慕，人人以為父師，居恒手不釋卷，對妻子如嚴賓，至於聲利，泊然若遺人，不得而窺其際也。卒於官，士民奔走痛哭，雖深山窮谷，耄夫稚子亦嚶吁泣下。所著有白石漁溪慈石缶音諸稿，藏於家。

徐公允晟

徐晟字公允海鹽人資性穎敏經史墳典靡不周覽與朱祚俱以博洽稱每相遇坐談古今佚事移日不去嘗曰聖人之教達於中國釋氏之教達於四夷孔子欲居九夷者殆化夷乎其得悟而言類如此王大叅衡按海上命取韻府考事得之眉間註云出漢雋詢知晟命延入禮敬之間漢書數事詳對無失稱曰徐漢書所著有左傳摘事燕石存稿

學正方景衡銓

方銓字景衡新城縣人成化中由舉人任湖廣安陸州學正奉父之官更爲創寢室於學署且暮具衣冠至寢所問省與居或燕飲歸雖丙夜不釋衣冠必徃侍左右俟其寢而後退易學通明躬授諸生課業講習不怠業他經者則延訪隣郡經術通洽之士爲之師一時成材特盛如孫交劉洪其最著士也及丁外艱歸諸生泣送不忍別服闋改汝州卒

王司輿文轅

王文轅字司輿山陰人七歲時拾遺金一鏤坐待失者

歸之。其人欲畀以半，却不受。既長多病，遂習靜隱居。勵志力行，鄉人咸樂親之。每讀書，多自得，不主陳言。故其說多與時左。惟王文成與之友，莫逆也。文成領南贛之命，文轅語其門人曰：陽明此行，必立事功。問其故，曰：吾觸之不動矣。及文轅歿，文成講學，時多訕之者，歎曰：安得王司輿復作乎？所著有茹澹稿、皇極經世律呂諸書。

教授朱日章冕

朱冕，字日章，嘉興人。以鄉貢授崑山教諭。經學舉業皆有師承，課子弟嚴而有法，以故多所成就。崑山自冕爲教後，其徒鄭文康及葉盛輩始掇高科，刻文爲程。至今稱善教者，必曰冕。尋遷鎮海衛學教授，其教亦如崑山。都事裘天爵仁。

裘仁，字天爵，處州衛人也。嚴毅端方，言笑不苟。居常授徒，克敦師道。括郡名士多出其門，諸生侍立終日，不敢傾側。有程門立雪之風。中弘治己酉鄉試，任北京都察院都事，以乞養歸。仁事二親，備極恭順。每母怙怒，卽夫婦長跪席前，必得懽心方起。造謁有司，並無請託。其持身以正，見得思義，至老不衰。

光澤令徐子元泰

徐泰字子元海鹽人聰敏豪邁領弘治甲子鄉薦授桐城學諭師道克尊士風興起癸酉典江右文衡得雋爲多進蓬州學正蓬去鄉萬餘里山川險隔豁然大觀置生死於度外登臨弔古文章益進陞光澤令歸晚攻古文詩詞識者以爲雄健過於張寧華濤超於朱祚所著有玉池稿玉池談屑春秋鄙見女學詩談海鹽志梓行

海陽令毛時正仲

毛仲字時正松陽人學有源委好闢異端尤精圖學嘗誦節孝徐先生三善之言以自砥礪篤行孝友以賓貢授海陽令仗忠信敦教化吏民不忍欺然素性耿介當道不合甫暮月遂謝事歸所著有常道異端論及理數

啓鑰

野橋先生戴秉誠圭

戴圭字秉誠鄞人潛心易學踐履篤實居常語人曰學要謹獨誠意以修身不怨天不尤人久之則與天一嘗揭諸屋楹曰人中合下渾無我地上元來都是天張尚書邦奇見而亟稱之其徒汪中丞玉嘗言曰吾執業戴

先生門時先生年甫三十餘貌甚莊氣甚和言甚簡重動止甚矩度讀書能精思其所造可謂深且微矣時所業不過時業而能不屑屑焉每廸玉古入之道至於今思其言不忘云圭性謹厚言動雍默衣冠儼然至時時與親友高會談道理論當世事竟日不休未嘗出一時俗語至易簣之日語子乾曰大學語孟首章皆是天命之性聖賢之言一轍也又曰我平日所著書却是有用後來必有知者所著有易經大旨四書要略及要說等書藏於家人稱為野橋先生

仇教授影

子俊卿附

仇影海鹽人少穎異書過目輒成誦爲文根極理要十舉不第始勉就貢授硤江教一遵胡安定教授蕪湖遺軌士多成就其子俊卿博古好學任南成均修海鹽志當嘉靖時海塘圯令子原叟疏奏部覆修築迄今頌其功不衰

訓導李孟昭進

李進字孟昭嘉興人力學至忘寢食比長通五經尤深於春秋博極羣書爲文章春容宏辯尤工楷隸行草母

傷 卷之二 三六
喪哀毀致眇一目不復求仕太守齊政起爲郡學訓導造士之功爲多

張蘊之璨

張璨字蘊之，岷人也。天性孝友，父跛不能行，背負終身。弟亦病癩，贍之。至老，嘗從羅紘學經史，一覽不忘。爲詩文，搦筆立就。所著有駉齋集二十卷，擬騷二十章，大爲詞家所膾炙云。

樂城教諭俞汝誠子良

俞子良字汝誠，山陰人。領順天鄉薦，潛心聖學，力敦古道。平居無戲言，議論侃侃，務砥礪名檢，未嘗以一事干有司。初教諭樂城，樂俗不知有禮，則諄諄以禮誨之。未冠者，躬爲之冠；有婚喪者，爲之品式，使遵行焉。樂人感而化之，雖婦女亦呼之爲俞夫子。遷肅寧令，治邑事如其家。甫踰年，百廢具舉，臺使者待以殊等，然竟以勞瘁卒。柩還之日，瀟然敝篋，所著明學錄、通禮節要、尊親錄、樂居司牧二集。

翰林孔目支中夫立

子高孫祿曾孫大綸附

支立字中夫，嘉興人。事母以孝聞，舉鄉試，歷官翰林孔

傳
卷之二
目與羅倫相友善務敦本爲己之學爲詩文多有關世
教語尤深於經學號支五經子高孫祿皆貢爲學博魯
孫大綸舉甲戌進士以經學世其家

國子助教洪廷器，雋人，天資穎悟，年數歲，父口授尚書過
耳不忘，稍長，博綜子史百家，下筆爲文，如川涌波騰，數
千言立就。父早喪，哀毀成疾，自肖小像於室，旦夕饋食
如事生。領正德庚午鄉薦，授福建邵武縣學教諭，其俗
尚鬼而佞佛，器至，卽移文執政，革之，捐俸廣置學舍，館
諸生之貧者，而衣食給之，故一時多所造就。薦推國子
監助教，疏時宜八事，出判鳳陽，以不能諧俗歸，乃築室
蓮谷，精研理學，貫通六經妙契，一中之旨，毅然以明道
爲任，士類宗之。所著有讀易索隱、大學參義、中庸通旨、
八詠析言等書行於世。

胡惟一純

胡純，字惟一，會稽人。少從陽明先生學，天性孝友，家貧
無書，每假抄以誦，晝夜不輟，遂以明經稱。執贄稱弟子
者常數十人，藉束脩以供甘旨，父母安其養，如大烹對

書終日危坐不妄言笑動止必飭其教人必率以規矩
歌詩習禮不徒事章句諸弟子旦夕供使令至種藝滌
浣皆欣欣任之不辭師弟之間庶幾復見古道以故出
其門者多知名士所著有雙溪稿詩禮抄泗州志崇安
志及卒郡守洪珠高其行題其碣曰明逸士朱純墓

昌平知州蔣引之經

蔣經字引之開化人事繼母篤孝繼母待之益嚴而經
之孝敬益不衰卒化繼母為慈母甘苦茹辛刻意問學
端重沉默日危坐一室與聖賢為伍非其人不妄接一
言領鄉薦會試不第益閉戶誦習不輕以片刺投郡邑
郡邑嚴重之已而謁選知順天昌平州董七陵祀事清
慎不阿綽有政績以疾乞南竟卒於京邸士大夫咸惜
之所著有性理集解易經講義

典山令王汝珮儒

王儒字汝珮嘉興人篤學力行鄉邦稱為宿儒正德丙
子舉於鄉初令星子再令崇陽聲績茂著以艱歸服闋
不樂簿書告改順天府學教授北地鮮學加意造就一
時弟子如嚴滋李豸楊君璽等俱成進士滋初居塞外

傳
卷之二
徙置學。傍教之後。任本府太守。所以報師之誠。極篤而
儒益自重。未嘗以尺一千之。轉興山令。致仕歸。以詩文
自娛。優游林下者三十餘年。

同安令許元夫仁

許仁字元夫。仁和人。明經篤學。開門授徒。方嚴介特。翁
然爲時所宗。正德庚辰。以舉人授巢縣教諭。擢河南郟
城令。勤於撫字。稱循吏。以狷執不能事上官。調德化。德
化瘴鄉。民獷悍難治。仁一以簡重鎮之。調同安。治同未
幾。屬德化豪右。以舊憾騰謗。遂罷歸。仁樸茂質。直多介
少通。執義而往。率多齟齬。然遂於經學。毅然以崇正闢
邪爲已任。諸所論著。皆折衷六經。多發前人所未發云。

貞一先生陸順德贊

陸贊字順德。海鹽人。雅好文學。博集羣書。巧思溢發。爲
文章。以多能見稱。日就雅望。凡縉紳道出是州者。必問
其名。行已嚴毅。莊重。晚年益自持。暇日。則杖履徜徉林
圃間。平居燕坐。輒復尋討圖史。嘗以世俗湮於佛老。憚
禮文之難而喪不成葬者。居喪撮要一書。以訓世。平生
文字。思緩筆精。無急就之作。年八十三卒。鄉人誄之曰。

貞一先生

光祿寺署正譚諫

譚諫嘉興人博學篤志稱明經以貢謁選時司選曹郎諫門下士也欲授判泉州力辭之乃調南京光祿寺署正散局可以著書自公之暇手不釋卷四方從游者戶履常滿相與剖析疑奧當食每爲不舉欣如也卒於官貧無以殮諸門人共襄其事云

攸縣令孫成叔景時

孫景時字成叔杭之右衛人也性耿介於世寡諧與越人汪應軫仁和邵銳江暉錢塘吳鼎爲友慕章文懿胡端敏之爲人師事陽明甘泉二先生學成正德丙子舉於鄉筮仕長洲教諭遷攸縣令却餽贖謝常例雪貧民唐如景吳伯先寃狀逮豪右易滔發其奸贓論如法人多稱之無何解官歸乃蒐輯故典証以長老舊聞質諸鄉評作武林文獻錄杭州府志欲勒成郡乘副在名山惜有志未究而卒

長史張廷光景明

弟景暘附

張景明字廷光山陰人舉弘治進士第以經術選克興

府長史事。獻帝於藩邸，忠慎不渝，嘗敷陳六事。帝悅，命揭諸宮門。世宗入嗣大統，以輔導。先帝功召赴京，將大用之，會病卒，贈太子太保、禮部尚書、文淵閣大學士，謚恭僖。錄其子元藩、元恕、弟景賜，亦以進士爲御史當。武宗駕留宣大，率諸御史疏請回鑾，忤旨廷杖。又劾江彬、許泰，冒封伯爵，非制，人多其直。後出知潮州，尋罷歸。

黔陽訓導凌時東震

凌震，字時東，歸安人。少有俊才，博綜羣籍，曉析百家言。長游郡庠，試輒冠軍。及科場，輒不利。若有尼之者，儕伍多咤惜而震恬然，不以動其心。久以廩次貢於南宮，選授黔陽縣學訓導。當路重其學行，到官月餘，卽命提督寶山書院，選拔名流，俾授學焉。震嚴立科條，陳說倫理之懿，啓迪性命之微，勸懲情率，以身爲切。文章規格，親爲點竄，造就士類，一時多成材。震念黔陽去吳興八千里，遠違墳墓，非孝子心，遂以老乞歸。震初以鈎索富聞，稱比中歲幡然守約務實，一其歸趣。嘗曰：道學不在多言，只人倫日用之間，盡吾心焉耳。故其事父母，先

意周旋。甘旨之具不煩。二兄居常坦坦。不爲町畦。而與之接者。鄙吝之心自消。善古文。尤工於詩。涵蓄縝密。清婉悲壯。一時名士未識面。輒已誦其篇。休有練溪集若干卷。藏於家。

朱陽仲應鐘

朱應鍾字陽仲。遂昌人。天資警敏。篤學勵行。嘗結青山白雲樓。讀書其中。家故饒。一委之兄弟。後用廢業。不問也。聞王陽明先生倡道稽山。徒步往從之。深爲器重。一時名人士如開化方豪。青田陳中州輩。皆與之遊。著聲吳越間。年三十二而卒。士林痛惜之。

處士范廷潤瓊

范瓊字廷潤。會稽人。少從王文成游。卓然以古聖賢自期。晚歲所造益深。家貧無旦夕儲。嘯詠自若。人莫能窺其際。嘗謂人曰。天下有至寶。得而玩之。可以忘貧。作古詩二十章。歷叙道統及太極之說。以自見。幼孤。事母至孝。教授於鄉。以供甘麩。二兄早喪。竭力葬之。撫其子如已子。平居無戲言。步趨不越尺寸。里中人無老幼。皆以范聖人呼之。與人煦煦無倨容。士大夫咸樂從之遊。或

傳
間以粟帛周之。堅却不受也。年八十有六。將屬纊。猶戒其子曰。我死。寧薄歛。毋妄受人賻。以污我。其平生廉潔。有如此。有司屢表其閭。立石里中。曰范處士里。

布政司都事沈一之槩

沈槩。字一之。嘉善麟瑞鄉人。少負奇穎。年十二就試省闈。爲八校之雋。盛氣濶步。縱睨無前。已而師事東溟張先生福。友善魏莊渠。校邵端峯。銳諸名士。晚卒業於五清劉夫子瑞德。義漸涵。日與之化。闇如退如。頓非舊念。向之縱睨無前者。今而反觀。不見有已也。益自淬勵。晝夜研討諸經。盡發諸儒未發之秘。屢試不售。卒以貢授

江西布政司都事。非其好也。竟拂衣歸。時島夷寇暴。三吳槩抱宗祧祭器。避之郡城。無何疾作。卒於嘉禾寓舍。年七十有二。槩細大之德。無不篤慎。槩瘦而事父母。尤以孝聞。生平口不非俗。而行亦不染俗。急義輕財。有如此。飢渴羸業。晚匱自安。無營著布菜翁。傳以見志。其於豐約盛衰之際。蓋有得於易而無繫心。故超脫乃爾。文章非有關風教。不漫作。所著有鄉約釋義。筆思記。時務議。詩文集若干卷。藏於家。

濮大川淮

濮淮字大川嘉興人少為名諸生篤學好脩以名節自喜數竒不售貢授延平教諭身先範士衿佩之間無變色而人自濯磨時值倭寇與其令肇畫城守民恃以生時稱有用真儒致仕歸閉門讀易深明畫前之理年八十五豫知死日先期告廟與知友別賦詩端坐而逝

孝廉陳獻可言

陳言字獻可雁州處士謙之子生而秀穎稱神童稍長以尚書為諸生祭酒試輒冠軍徐太守盈推為七校之選遣幣使從吳南溪先生游吳門多俊士而尤器重言

每歎曰此子海上鳳麟也辛卯以選貢卒業南雍丁酉領應天鄉薦旋罹外艱辛丑計偕不第卒于邸年僅四十有一言性孝友痛母陸早世遇蒸嘗輒流涕嗚咽不食飲者數日事繼母如生母撫異母弟如同胞時時提耳曰吾家世孝友幸毋忘雙雁之什故弟亦莊事之說者謂陳氏世不乏二難接人夷易無惰容無傲辭至見義必為則英氣勃發里中有二三守節婦有司莫聞倡義白之竟得歲時存問以終厥志其慷慨好義類如此

言雖篤志舉子業。然博綜經傳。探索子史。凡所研解。卽蠅書於眉間。層透髓。縻人服。其精作五經疑。若干卷。出入傳註。酌以己裁。多先儒所未發。端居慕古。慨然以經濟爲己任。作策百餘篇。歎曰。假令吾得與大廷執此。往耳。所著論。馳驟縱橫。殆逼蘓氏。而理趣一歸於伊洛。粹如也。王孝廉文祿評之曰。獻可論如古剎。精廬迴廊。傑構鞏宇。重門突奧。曲折纖悉。畢備而斲密無痕。又如臯陶聽獄。剖析疑隱。如伏生授書。佶屈聲牙。如良平運謀。發機透穎。時以爲知言。以子所學貴。贈中書舍人。所學

字行父。嘉靖丙辰進士。以中翰拜工部給事中。內艱服闋。補吏科。改戶科。右前後上章凡二十餘。皆當世要務。同官所不敢言者。爲權貴所忌。出守河間。摘發如神明。諸豪右畏縮。不得逞。遂喉臺使者以誣劾歸。未幾而新鄭相起。道出河間。問父老知故。太守賢折簡爲之勸駕。默不應。後按浙者。輒欲得其罷官狀。白之朝。所學笑謝曰。仕者嘗鼎一臠足矣。奚所屬厭也。竟不得其狀而罷。買一椽西居。名其山與亭爲一笑。因自稱一笑生。作一笑生傳。以見志。卒年六十有四。

徐通判文和

徐文和嘉興人領嘉靖丁酉鄉薦任揚州管馬通判以樸實不善逢迎上官論罷歸家杜門不入公府躬督耕耨究心理學臨終語其子曰我死之後皇極經世之學不傳矣親搃算子與諸子講究講畢而逝

訓導葉尚文素

葉素字尚文青田人由選貢任訓導以禮致仕事父母以色養兄弟白首不二內外無間言身若不勝衣而是非可否有義存焉與陳中州同學亦同志趣素每言曰氣節文章吾畏陳子至其間然自修渾然無迹吾視陳子似有微長聞者信之所著有四書節釋易經美記宋元綱目斷隙觀集

周府紀善凌德容瀚

凌瀚字德容蘭谿人性端方沉毅弱冠卽負大志不規規科舉之業早游楓山先生之門得其標的言行必期信果步趨必由規矩閒居正襟坐雖盛暑不去巾襪對妻子如嚴君終日無惰容遽色與學者言尤嚴義利之辨嘉靖乙酉以易經魁兩浙益肆力學問凡天文地理

名物度數。以至禮樂兵刑。漕運水利之類。無不究心。四方從遊者日衆。各因其材而成就之。謁選得泰寧教諭。是學僻處山中。士子多朴少文。瀚日與諸生講明理學。且立爲條約以正其趨。貧不能自給者。則分俸資之。九年如一日。諸生皆敬之如神明。親之如父母。陞周府紀善。諸生揮涕送之者數百人。至則剛直自持。輔王以禮。其所上崇德講學等書。辭嚴義正。王甚敬焉。以疾卒於官。所著有羣書類考。太平策略。邵武泰寧等志。金華正祠錄等書。

文學許長聖聞至

許聞至字長聖。海鹽人。七歲洞了易經大義。十三補弟子員。一黷稱雋弱冠。聞從父九杞山人。闡發陽明先生良知之旨。豁然悟入。因殫精性命之學。視舉子業。意殊不屑也。事父母備極色養。時倭寇海上。一夕侍其父。從邑中歸。遇賊於途。同行者皆被害。聞至舍舟登陸。急負其父。跣足。遙行數十里。脛血朱殷。得免於禍。及居喪。哀毀骨立。經紀葬事。露宿者數月。弟求析著器。物田廬。自取其敝陋者。悉以腴業讓弟。終身代其役。至破家不恤。

處宗族鄉黨執護守下未嘗見疾言遽色有犯而不校之風督撫阮山峯鶚相與有世誼且同研席者數年先後貽書招之終不肯一見曰吾媿夫青衿而曳裾者其介節如此所著有易經微言若干卷明自成弘以來祀於鄉者朝貴封公而外無布衣聞至歿後數十年懿行益著學使者采公論而尸祝之以諸生入祀自聞至始
僉事鍾仁卿繼元

鍾繼元字仁卿桐鄉人窮經博古於書無所不窺而尤精於易理數之學妙悟得於畫前以嘉靖壬戌進士歷官嶺南僉憲以最移楚積勞邁疾卒所著有易窾易準易老易占易原子史雜著道德要覽羣書選要京房康節啓蒙畫前錄渾象析觀定性演義陰符經註

信豐令何思仁燾

何燾字思仁麗水人也少聰睿端凝加以父格教導之嚴自志學卽毅然以聖賢事業自期雖習舉業而洞究性命本原不爲捷取計以鄉薦授新喻教諭教人務底實用士多成材聘主湖廣鄉試號爲得人令信豐以寬仁爲理民常見思居家孝友出諸天性府縣改歲一謁

傳 卷之二
外未嘗干以私所著有四書集義春秋主意效顰紀舒
嘯東臯篇滄螺錄青桂軒集若干卷藏於家

文定先生王世庶文祿

王文祿字世庶海寧衛世將軍之胄生負奇質喜讀書
好舞劍自六經廿一史諸子百家以至天官地志貝函
蒞笈龍韜虎鈴無不騰之舌抄而置之腹筥每抵掌天
下事口哆喻如縣河意所不合輒拔劍而舞人皆以爲
蚩文祿亦因而蚩之不校也嘉靖癸丑島夷蹂海上武
備積衰人心惟怯寇未至而先清野爭門死者數十人

文祿聞之惻然乃佩劍詣軍門說大將軍背城一戰禡
寇魄以壯士氣然後危城可守大將軍然其計列陣於
野寇衄不敢攻而城守乃完萬曆辛巳均田之議起權
貴家且有噂嗜文祿聞之勃然復佩劍躋公堂謁邑大
夫畫地指天道所以均田狀遇不均處輒拔劍而舞曰
吾以三尺庇小民有勢挾者請以劍擊之諸權貴皆抑
首莫敢撓鄉人蒙其利至今文祿之蚩大都如此年三
十與計偕迄八十無弗與者愈不售而愈發憤愈耄而
愈精進讀書徹日夜不止家人憐而尼之則曰汝何知

我讀來世書耳聞者絕倒文祿則正襟危坐而論之曰生死且暮耳不讀書聞道則虛生浪死吾孳孳矻矻庶幾或聞寧爲聲名勞七尺耶卒之日手不廢書邑大夫奔而訣執手問後事但笑無所言三問之則曰此不足計遂拱而逝文祿生平樂善尤喜成就後生有所聞見輒諄復相告八十九年如一日若乃真心灑氣直往無前妙契疾書以爲已任則又非公不至非正不由發憤所爲頑讒辟易嘗謂佛老二氏宜共一家教本互傳道無殊致惜乎論述未成而竟齋志以歿也歿而無子文多散佚者惟百陵學山王生藝草行於世歿後三十餘年鄉人思之不置歲時伏臘往往醵金奠墓下洒泣而歎曰今安得復有蚩如王先生者爲吾儕造福也因相與私謚之曰文定先生

司訓許來鳳梧

子燭孫應達附

許梧字來鳳嘉興人事父母孝父嘗病疽額天乞以身代濱危而竟獲全人以爲孝感苦志博學窮年矻矻不以寒暑輟其功屢試不售僅以鄉貢司訓通州出其所學以教士士多彬彬會第四子燭成嘉靖庚戌進士喜

曰吾平生未竟之志付之兒曹足矣奈何復以一儒官
 跼躄人轅下耶卽疏病乞歸杜門吟咏歲賓鄉飲者凡
 十三年以孫應遠貴贈中大夫

南川先生呂程

呂程秀水人登嘉靖癸丑進士第真率簡易惟務讀書
 既釋褐初授司理不樂爰書甫三日卽解綬歸受徒講
 學足未嘗一履公庭時人稱爲南川先生

劉大聲鏜

子振宗附

劉鏜字大聲嘉興人弱冠有聲黌序食貧資廩餼以供
 甘旨弟程未娶積脩金與締婚入其家怡怡然或勸之
 仕喟然曰我不能及親而仕今胡爲五斗折腰惟杜門
 著書教子若孫躬修澹泊享年八十有三子振宗儒官
 人稱爲古君子

邵武同知諸子相燮

諸燮字子相餘姚人少卓穎負奇氣稍長下帷究經義
 爲舉子業雅馴超邁一洗陳言登嘉靖乙未進士授兵
 部主事守山海以簡亢忤巡邊大僚竟爲所中謫茶陵
 同知不上事南歸居錢塘遠近士慕燮經學執贄受業

者百餘人。熒喜因不復有仕進意。踰年朝議誥之。量移潮州通判。所知皆致書勸駕。始隨牒往。三年晉邵武同知。兩倅郡皆寬簡。御下勤於勸學。氓士胥懷之。及以艱歸。有自閩粵負笈來學者。輒館穀之。不靳也。以是從遊者益衆。開化諸士走請傳經於其邑。六月。逝棹過嚴陵。濯足灘上。溺水死。歸柩錢塘。弟子皆失聲哭。葬錢塘石屋山。子孫遂爲錢塘人。熒深於經學。耻立門戶。指取高策。有進用階。而脫略自喜。恬於華寵。標度不耐羈縛。恒布素行街市中。若無名秩者。歷官五品。惟以授經給生計。其介守可知。

教授施一元乾

施乾字一元。桐鄉人。少愿樸。不好弄。補博士弟子員。試輒異等。應歲薦。上禮部。初授懷遠司訓。轉晉陵。再轉濮州教授。能慎取與。辨析名義。諸弟子瞿然。顧化在濮時。守相多故人。一切避影。無所援繫。監司檄視平陰篆。乾一再辭。不獲。輒引疾。人服其能守官以殉義云。

鶴洲先生黃子重裳

黃裳字子重。錢塘人。爲諸生。祭酒。勤學博聞。於六經諸

史無所不窺而發為文章務沃實造唯耻襲浮艷以為
 工四方之士執經問義者履戶為滿性淳介而家赤貧
 舌耕所獲竭力甘隴喪祭外與兄弟共之母事瞽嫂而
 子畜從子汝淳與子汝亨等敦信篤行里中化之有不
 軌於行者咸閉匿自訟曰幸毋使黃先生知論者以為
 王彥方司馬德操之流辛卯汝亨舉於鄉裳不色喜顧
 語之曰吾家儒素而世積德必有以文學顯者然吾困
 諸生以老而孺子復以晚成雖然閱歷多矣今而後不
 以吾憂者非吾子也汝亨益刻勵德學與譽望益隆執
 業稱弟子者半天下每攝臯比聽講者常數百人裳乃
 竊籊然喜曰吾兒以游刃治寬髀政業在一時吾兒以
 木鐸振聾聵學業在後世今而後果以吾憂者真吾子
 也目可以瞑矣遂卒年七十學者稱為鶴洲先生

學正魯元承烈

魯烈字元承平湖人事父孝待宗族有恩任吳江訓導
 諸生貧者輒周之遇荒設粥救飢仍捐俸糴米百石以
 助賑當世重其行薦剡交上陞澧州學正駸駸嚮用矣
 而烈乃浩然有歸志遂引年日以詩文陶寫於勢利淡

如也平生所置田僅六十畝仕後割其半以贍兄弟茹苦若甘終身靡懈人稱篤行君子

教授戚元輔

弟元弼元佐附

戚元輔秀水人以春秋登嘉靖癸丑進士與弟元弼元佐相切磋元佐亦成進士遂以世經名其堂元輔性質愿與世齟齬不合獨抱一經自娛官終撫州教授遺孤淪落不偶人共惜之

朱汝賢賢

子建侯孫廷益附

朱賢字汝賢自嘉善徙居秀水幼通經術弱冠補博士弟子試輒高等已需貢念其儕貧老而格小沮避之使

自為計越四年乃貢歷校官二十年積俸貲僅二百金

有田為宗人所市持金去賢笑而弗問為焚其券蕭比

部嘗從賢受經以讞獄至有大姓坐法論死行數百金

求末滅賢力却之蕭意將因事以報終不得其間而別

其清操類如此享年九十有七子建侯生而敏慧齠年

籍為諸生有文譽隨廩於學官為人剛方動依尺度以

歲薦遷寧國司訓遷六合正身執士謝絕脩脯當道重

之性至孝母病徒步數十里求醫夜蓆藁床下聞聲即

起調漿糜進以爲常及卒毀瘠踰禮晚居父喪猶蒸蒸孺慕訓子廷益成進士歷南京通政司通議卒於官

教授卜宗周鎬

子相附

卜鎬字宗周秀水人少篤志好學弱冠廩於學宮文譽蔚起執經問義者無不北面稱弟子鎬隨方辯析各厭所欲而去藉其餘以成進士者十餘人獨鎬屢試弗售至嘉靖丙寅始以歲薦除定遠訓導歷青田教諭擢教授九江所至出其所自勗者以勗諸生諸生翕然歸之居九江甫半載幡然興尊鱸之思當道慰留再三不變也會其子相任雲南叅議賫捧便道迎歸里門隨乞補封北部郎稱封公者十餘年以壽卒

姚坦之履道

姚履道字坦之秀水人天性孝友通今博古工文辭弱冠補弟子員試輒冠軍從游者如市食廩餼三十餘年砥礪苦節如一日道傍有遺金俟其主還之鄉評稱其長者每與門人講性理之學多發先儒之所未發課子思仁成進士臨歿諄諄勉子以忠報國既而思仁爲御史有直聲歷官大司空朝野推重者皆云思孝之賢得

之庭訓爲多。

訓導朱汝明愚

父鳳附

朱愚字汝明嘉善人父鳳司訓典化歷官邵武教授坐無寒氈終身澹泊愚博學善詩文少負氣節曾上書規郭縣令郭爲謝過且表其書於門平生議論侃侃不苟言笑後任松江府訓導不受餽遺清操凜然說者稱愚能不頹父風卒年七十有八

文莊先生胡希華榮

胡榮字希華浦江人居家孝友名動鄉閭蒐獵百家旁通九藝樂潛味道玉立於風塵之表日擁書萬卷反覆披尋更不知人世南面百城之貴也守令高其行無不造門請益年七十以微疾終門人私謚之曰文莊先生所著有濼州漁唱集

福建僉事王汝學宗聖

王宗聖字汝學義烏人由進士授興化府教授陞國子監助教累官福建按察司僉事倭寇猖獗調遣有功急流勇退再疏乞休歸築室繡湖之濱四方學者多就之質疑問難各厭所欲而去督學使者禮聘講學於明倫

傳石
卷之二
堂與邑令趙大河發明經權忠恕之義聞者稱服所著
有濱河稿五十卷權政記十五卷太極圖跋等書

海屋先生姚翔卿翼

姚翼字翔卿高郵州判官旭之子少爲名諸生從歸安
武進兩唐先生游兩先生者許爲入室弟子以故歸試
輒冠其曹顧數奇屢省試屢不售年四十九始及貢授
新淦縣學訓導輒出故所師事兩先生者砥諸生諸生
翕然以最特徙黃州府學教授未幾遷廣濟縣知縣卽
移故所訓新淦者奮袂其間而孤行一意惟民之利病
是視他所齟而齟之與岸而視之者胥不顧也縣之俗
數以族屬相婚姻翼下教曰同姓婚姻百世不通周公
之教也族屬爲媾人而禽矣除故婚曾及產男若女者
免科餘不得違教違者並坐罪以差已而又聞布衣吳
自守稍能服行古之禮者也於是單車就其廬風勵百
姓百姓大悅吏無遺牘庭無留獄翼數以垂午退食而
臥故扁其署曰臥齋當是時翼之聲滿楚上諸州郡間
然翼之氣多岸楚賢諸二千石稔知翼故數並書翼之
治與行以聞而他岸視翼者亦或陰以睚眦翼楚之賢

士大夫若耿中丞輩相與分庭抗禮爲莫逆交徧爲聲稱諸公卿間而他相異同者亦啾啾焉郵翼矣翼於是亦倦宦游卽上書免官去歸來乎茗上僅傍南城屋數楹圖書數卷客或過之蕭然四壁立時脫故袍帶貰酒間或藉請文者之橐以投轄爲歡耳其事高郵公及母仰孺人以孝稱沒而寢苦枕塊毀且骨立傾家營葬不敢以貧故儉其親其他冠婚及春秋蒸嘗並綿蕞占曲禮其躬行古道類如此卒年六十有九所纂有歷朝文選所著有師友淵源錄晚尤好易題其讀書處曰玩畫齋學者因其自號稱之曰海屋先生

兩浙名賢錄卷之二終

兩浙名賢錄卷三目次

宋理學

儒志王景山先生

謙靖劉必明先生

奧塘林介夫先生

劉質夫先生

周恭叔先生

大劉先生

戴明仲先生 弟迅附

蔡君濟先生

徐八行先生

小劉先生

草堂張子克先生

嘉慶沈彬老先生 從弟琪附

宋廷佐先生

橫塘許少伊先生

鮑商霖先生

徐季節先生

喻子才先生

王文季先生

無垢張子韶先生

香溪范茂明先生

石子重先生

東萊呂伯恭先生

潘叔度先生

詹體仁先生

錢子是先生

徐誠叟先生

南溪柴與之先生

柴元振先生

江邦直先生

陳少南先生

鄭景望先生

弟伯英
伯海附

薛士龍先生

王龜齡先生

俞季淵先生

黃仲庸先生

陳叔向先生

陳止齋先生

慈湖楊敬仲先生

袁和叔先生

子甫附

沈晦叔先生

藝堂湯達可先生

林景文先生

南坡葉茂叔先生

崑隱戴少望先生

葉水心先生

周子靖先生

郎晦之先生

劉子宣先生

舒元質先生

山堂章俊卿先生

李從仲先生

船山楊子權先生

傅貽輔漢卿先生

徐崇甫先生

葉成父先生

西山葉知道先生

西山真希元先生

潛室陳器之先生

錢木之徐寓徐容附

北山何子恭先生

王會之先生

徑畷徐景說先生

趙德父先生

車清臣先生

康敏黃立道先生

庶善翁如山先生

張伯誠先生

仁山金吉父先生

劉習父先生

黃東發先生

蛟峯方君錫先生

弟選振附

兩浙名賢錄卷三目次終

兩浙名賢錄卷之三

東海徐象梅仲和氏撰

海鹽姚士舜叔祥氏閱

理學

宋

共七十九人

儒志王景山先生

王開祖字景山永嘉人少敏悟書經目輒成誦登皇祐
進士不調而歸杜門讀書從學嘗數百人復召試賢良
方正未行而卒年三十一故著書多無傳惟儒志一編

門人傳習其首章言復者性之宅無妄者性之原又言
學者離性而言情奚情之不惡又曰使孔子用於當時
六經之道不若今之著矣末章言由孟子以來道學不
明吾欲述堯舜之道論文武之治杜淫邪之路闢皇極
之門吾畏諸天者也吾何敢已哉旨意大都類此當慶
曆皇祐間宋興未百年經術道微伊洛諸儒未作景山
獨能研窮經蘊發明道學二字此吾浙理學大淵源也
後四十餘年伊洛道學儒宗始出郡之諸儒從游還鄉
轉以授受而理學盛行矣楊守蟠立儒志坊以表其居
學者至今稱儒志先生

謙靖劉必明先生

劉愚字必明龍游人幼警敏力學弱冠入太學有聲從
游者甚衆上舍釋褐第一調江陵府教授歲滿帥王蘭
致書剡辟因辭貧不能歸移安鄉縣令邑逋賦萬計愚
覈其實數寬其限期民不見吏而賦自足會歲歉出常
平米賑貸僚佐不可愚曰有罪不以相累出緡錢數千
萬召糴米價頓減因積米數千石以備荒諸司交薦改
秩愚雅不樂仕進遂致仕歸結廬城南頽垣蓬戶蕭然

自適閒居二十年著述不輟書禮語孟皆有解削蕪芟異務以發明理學之奧年八十三卒其門人私謚曰謙靖先生。

奧塘林介夫先生

林石字介夫瑞安人少有志操初習進士聲律既而曰古人之學不如是也遂刻意諸經聞括蒼管師常明春秋往從之師常與之反覆辯難自以爲不逮遭父喪廬墓三年不茹草木之滋臨川王氏三經行石獨不趨斯學以春秋教授鄉里既而春秋爲時所禁乃絕意仕進築室躬畊作萱草堂以養母或勸以仕不答講論古今必先行實而後文藝曰本之不立末於何有邑官初至率上謁執弟子禮未幾母卒年九十餘白首終喪人以爲難建中靖國元年無疾而逝周行已爲沈子正墓銘云河南程正叔京兆呂與叔括蒼龔深之與介夫皆傳古道名世宗師惟是書成弗以示人故世無傳焉學者至今皆稱奧塘先生。

劉質夫先生

劉絢字質夫常山人從游程氏之門力學不倦程子每

語人曰。他人之學。敏則有矣。未易保也。若絢者。吾無疑焉。歸而教授。羔鴈成羣。理學之明於衢者。絢力也。

周恭叔先生

周行已字恭叔。永嘉人。祖豫父。泳皆中第。行已風儀秀整。語音如鐘。讀書十行俱下。入太學。以文行著作。齋揖文同舍。遵行之。豐司業。稷騶從闕。敦化堂下。行已移書規切之。稷愧謝。由是名重京師。時新學行。獨之。伊洛從程伊川。二劉許趙繼至。皆敬下之作。顏子不二過。論有曰。過不必大。毫末萌於心。而天地爲之應。悟不必久。斯須著於心。而天下歸其仁。或以呈伊川。伊川可之。曰。是子達早。然亦憂其退速。登元祐第。時太學九人中。行已最先進。京師貴人爭欲妻之。行已曰。吾姨母貧。其女贅未適。吾母雖不言。意已有屬養志可也。辭昏。歸娶之。伊川語人曰。某年未三十。亦做不得此事。崇寧行舍法。選師儒。除太學博士。行已請於朝。願分教鄉里。以便親養。詔許之。仍帶舊官。於是。以所聞於程氏者。發明旨要。以廸後進。吾浙之有洛學者。是行已始也。宣和初。除秘書正字。鄆守王覲請爲幕賓。後卒於鄆。覲以朝命津其喪。

歸葬安固有文集三十卷唐守文若繪像祠於學宮族
孫去非爲南軒張拭高弟

大劉先生

劉安節字元承永嘉人幼有遠度比長嗜學有所未達
夜以繼日必得乃止與從弟安上同游太學復之洛師
程氏所聞最多今河南語錄第十八卷凡二百五十餘
條皆安節手編也登元符第初調諸暨簿萊州教授宰
相薦召對便殿稱旨除監察御史連決大獄多所平反
知饒州發廩賑飢悉除民害徙知宣州饒民遮道涕泣
謂吾州自范文正公以後一人而已至宣值大水躬督
拯拯賑給遠近一無所失復際大疫分醫治療所活不
可計安節亦得疾卒年四十九終承議郎部使者表其
勤民至死狀有旨官其子誠安節天資近道望之知其
爲君子講學嘗指其要使人廓然知聖賢岐轍可進學
者稱爲大劉先生

戴明仲先生 弟迅附

戴述字明仲永嘉九曲人孝友直諒爲文操筆立成入
京師試廣文館趙丞相主文柄得其文謂爲老儒擢異

等而述未冠也由是知名述以科舉口耳之學爾走伊洛求所謂爲已者俄遭父喪哀毀不茹菜果廬墓終喪登元符三年進士第調東陽簿州徙監銀冶以法辭不獲賦歸去來十章投檄而歸會州選學官爲臨江教授以母憂去職得疾於倚廬醫曰是疾不可以風盍遷諸內述不可曰疇昔之夜吾夢有告以死生之說者吾其亡此乎蓋六日而卒大觀四年三月也周博士志其墓曰明仲資稟剛明少而有立嘗從程氏學問知聖人之道近在吾身退而隱於心合於聖人之言者若有自得方沉涵克擴日進未已朋友鄉黨期以有爲於世而年纔三十有七奄至大故可謂不幸也已弟迅字幾仲亦以文學著世稱二戴先生

蔡君濟先生

蔡元康字君濟平陽人資稟剛峻學識過人旣冠入太學見同舍從事文藝慨然曰科舉所湏耳學止是耶賢有德者一言一行孜孜訪之惟恐不及其學一以正心誠意爲本優游涵養日趨自得一時賢士大夫若鄒浩陳瓘楊時皆敬愛之鄒陳在謫元康從之鄒病革盡吐

平生所欲言者性命之理。死生之說。見於問答。云在京師。逆旅失金。或得諸同舍篋中者。以告。元康曰。此非吾金也。嘗曰。古之人。全交非一道也。必欲伸已以求名人。將何望。往來京師。朋友病爲之醫藥。同寢處無倦色。死則主其後事。或護其喪以歸。前後以十數。七上禮部。不中會。以八行取士。郡條其應令者數十事。上諸朝。未報卒。

徐八行先生

徐中行。臨海人。始聞安定胡瑗講明道學。從其徒劉彝。得所授經。熟讀精思。踰年乃歸。葺一小室。竟日危坐。幾於解悟。父死。跣足廬墓。躬耕養母。教授學者。必自灑掃。應對格物致知。以達於治國平天下。俾不失其性。不亂其倫。而後已。崇寧中。章蔡竊國柄。竄逐善類。且盡。每一聞命。未嘗不淚下。州守李諤舉應八行科。中行聞之。盡毀其所爲文。入黃巖。委羽山中。避焉。或問之曰。人而無行。與禽獸等。使吾得以八行應科。則彼之不被舉者。非人類。與既歿。陳忠肅公瓏錄其行事。謂與山陽徐積齊名。呼爲八行先生。

小劉先生

劉安上字元禮，生有淑質，端重嗜學，與從兄安節俱以學行爲鄉望。所推聯薦於鄉，同游太學，一時賢士大夫慕與之交，號二劉。竝走洛從程氏。登紹聖四年進士，調錢唐尉，登州教授。崇寧舍法，遷除太學博士，遷提舉兩浙學事。陛筵進對稱旨，上顧近臣稱其蘊藉有大臣體。卽日拜監察御史，朝廷有推鞠多，以屬安上持法尤審，而根於誠恕，多所平反。遷殿中侍御史，不弛擔日爲去計。安上性謹密，凡風聞事皆反覆詢究，或遣親信參驗，必實始論，列舉無不當。一日奏事退，上目送之曰：劉某言事可謂詳審矣。屬蔡京權政，竊弄威福，黨與蟠結，無敢櫻其鋒。安上抗章極言其罪數十條，未報復。與中丞石公弼率同列廷劾之。京以太乙宮使罷相，遂致仕。安上遷右諫議大夫，母憂服闋，除中書舍人、給事中。會京落致仕，三日至都堂治事。安上乞補外，以徽制知壽春，論罷奉祠，再起知婺州，移邢州，以祖母年九十，丐歸養。服闋，再知壽春，百姓扶迎，屬路歲飢，活民以殿賦，降官罷，再起知舒州，以疾致仕。未幾卒。安上有至性，事親孝。

居喪幾至委頓先達豐稷徐處仁薦之恐後未嘗私謝在御史不爲訐直名論事退削藁有詩五百篇制誥雜文三十卷學者稱小劉先生

草堂張子克先生

張輝字子克永嘉城南人天資謹飭喜問學自六經諸子書歷代史記下至百家之說皆通習其辯析精微旁引證據論議疊疊雖老儒先生莫能屈也游太學屢先多士傳誦其文以爲式親喪廬墓作霜露堂以享有甘露降於庭人以爲孝感所致請以甘露易扁輝曰吾自銜耶復築室墓傍日從事于誠正之學學者從之益衆至無地以處之州舉八行不就政和二年上舍擢第調泰興簿三舍法選洪州教授被召爲國子學錄供職逾月卒嘗據古人行事斷以己意曰草堂語錄鄉人稱之曰草堂先生

嘉慶沈彬老先生 從弟琪附

沈躬行字彬老永嘉人自幼力學有家法非義弗蹈甫冠游太學同輩以時文相尚躬行獨爲古學居父憂哀毀骨立以近世喪葬禮廢陋俗至用夷狄法始做古正

棺衾饋奠衰服之制斥佛事不用雖州里族黨羣非之不顧也始從與塘林氏後從伊川程氏藍田呂氏其學以中庸大學爲本篤信而力行之故能卓然以聖賢爲依歸平居色夷氣和似不能言及辯是非則毅然不可奪族姻貧無歸者無不收恤鄉人矜式焉從弟琪字東美以行義著稱聚族而居寢舍飲食皆倣古制鄉人尊之曰嘉慶先生

宋廷佐先生

宋之才字廷佐遂安人學於楊時遂祖程氏登重和第教授京兆每言士負卓學奇材皆可入聖賢之域患速售爾故深務誦養積十八年不易初官執政薦召試除正字丁母憂服除入爲校書郎遷考功論南北雖已通和願勿忘警戒舉廢墜拔滯淹寬民力總兵權益固基圖爲進取計遷司業權禮部侍郎會妻子俱喪乞去除敷文閣待制奉祠起知衢州卒之才性恬靜寡欲操履潔白難進易退仕五十年屏處之日三居二焉

橫塘許少伊先生

許景衡字少伊瑞安人器質端重幼如成人旣冠入太

學三經義行。景衡獨之。洛師程氏得其旨。歸登紹聖第。由通判福州。除監察御史。遷殿中侍御史。首論童貫大罪數十。譴積罪大。罰輕。且言今三省闕長官。樞密又虛位。軍政不立。邊防未肅。宜選忠良以任政府。王黼惡其多言。以他事逐之。靖康初。召試中書舍人。會李光程瑀俱以臺諫忤耿南仲斥。景衡封還不行。請祠去。高宗卽位。除給事中。遷御史中丞。初兩河失守。宰相李綱建議。請幸南陽。廷論未決。景衡言南陽無城池。漕運不繼。乞幸東南。據天險。疏十上。從之。復上十事。皆繫國安危。上知其可任。拜尚書右丞。金兵迫京師。時相請降。詔還京。景衡申前議。請幸建康。言者希旨沮之。遂乞罷政。以資政殿學士提舉洞霄宮去國。之明日。聞下還京之詔。拊膺駭歎。遂以憂成疾。行至瓜州。卒。贈正奉大夫。瑞安縣開國男。謚忠簡。胡文定安國銘其墓。略云。踐修厥德。勁直而溫。先事而謀。措國於安。又云。邪說盛行。徒得公重和而不同。仁者之勇。學者至今稱橫塘先生。

鮑商霖先生

鮑若雨字商霖。永嘉人。從伊川程先生學。有問答六章。

構橋亭於所居宅前之雁池，扁曰敬亭。張思叔爲之記。云：鮑君商霖，自永嘉來學於伊川先生，勤苦自勵，蚤夜孜孜，不舍於。是吾先生之門，以君爲畏友，其見稱於伊洛諸儒如此。後居鄉教授，值宣和方寇之亂，率鄉人捍禦，有司奏功第一，不受賞，擢會三舍法行，嘗兩覓諒免郡上之，至汴京未拜命卒。

徐季節先生

徐庭筠，字季節，八行先生子也。其學以誠敬爲主，夜必就榻而後脫巾，平居無惰容，無戲色，雖就屋以居，爾未嘗戚戚，孝友天至，旣免喪，猶不忍娶者十餘年。秦檜當

國試，題問中興歌頌，庭筠歎曰：今日豈歌頌時耶？因疏其未足爲中興者五，且曰：吾不忍欺君也。縣尉鄭伯熊當代去，請益，庭筠曰：富貴易得名，節難守，願安時處順，主張世道，伯熊受其言，訖爲名臣。時有詔舉人五，上春官者，予岳祠，庭筠應格，所親勸之行，庭筠曰：吾嘗草封事，謂岳廟冗祿無用，旣心非之，可躬蹈邪？卒不就。淳熙間，朱文公熹行部，拜墓下，大書以表之，曰：有宋高士三徐先生之墓，又題詩云：道學傳千古，東甌說二徐。門清

一壺水家富五車書其見景慕如此

喻子才先生

喻樗字子才建德人受業楊龜山聰明穎悟博通經史嘗據一巨石以校書因名硯石登建炎進士第趙忠簡公崇尚洛學薦除正字告詞有曰頃窮西洛之淵源遂見古人之大體雖爲衆所嫉而忠簡知之益信累官工部員外郎知蘄州孝宗卽位用爲提舉浙東常平以治績聞樗爲人質直好議論尤善識鑒嘗言沈晦張九成進士當第一後果然有二女富人交請婚不許及見汪應辰張孝祥曰佳婿也遂以妻之所著有中庸大學論語解及玉泉語錄行於世

王文季先生

王光祖字文季官大理評事精於理學朱文公提舉時邂逅松陽之福安僧舍文季拱立規掌如太極狀公卽異之曰王子胷中自有太極間以傳註質之文季曰公註中庸不使滋長於隱微之中愚意當加潛暗二字公深然之後數以詩文往復有寄孫竹湖書曰吾到括止得士友王文季一人而已

無垢張子韶先生

張九成字子韶，錢唐人。徙鹽官，八歲默誦六經，十四鄉貢。從楊時學。權貴託人致幣曰：「游吾門，當薦之館閣。」九成笑而却之。紹興二年策士，詔以直言置高等。九成所對，謂禍亂之作，天所以開聖人。上及二聖，忠憤激烈，下及闔寺，無所顧避。高宗感動，擢置第一。楊時遺九成書曰：「廷對自中興以來，未之有非剛大之氣，不爲得喪回屈，不能爲僉判鎮東軍大書屋壁曰：「此身苟一日之間，百姓罹無涯之苦。」趙鼎薦之，召入著庭。時樊光遠首南官汪應辰魁大對，帝語九成曰：「殿省居首，皆卿門人。」對曰：「臣不敢以利祿之說誘門人，惟知講明經術，庶盡忠孝，尋除浙東提刑，力辭，詔與小郡。又辭，乃與祠。未幾，召除宗正少卿，遷禮部侍郎，尋兼侍講，進讀春秋。因言日食之變，本於惡氣，惡氣之萌，本於惡念。惡氣所觸，則日月薄蝕，五星失序，災及五穀，惟妖迭見，爲兵爲火，札瘥竝至。願陛下正心術以格天。高宗聳然曰：「當爲卿戒之。」又論齊宣王不忍一牛之死，仁心發見，爲王道端倪。推此心以往，則華夏蠻貊根莖鱗介皆在陛下。仁政高宗

問和議。九成言虜情多詐，不可不察。秦檜惡之，九成以趙鼎黨求去，謫守邵州。落職，詹大方論其謗訕，謫居南安軍。凡十四年，談經自樂，因自號橫塘居士。檜死，以秘撰起知溫州，惠利及民，民至感泣。丐祠卒，上嗟悼，復敷文待制，官其弟若子四人。學者稱無垢先生。有尚書中庸大學孝經語孟說，無垢錄，行于世。理宗以九成有明道之功，特贈太師，封崇國公，謚文忠。

香溪范茂明先生

范浚，字茂明，蘭谿人。家世業儒，父祖昆季皆顯宦。浚獨不近榮利，紹興間嘗舉賢良方正，以秦檜當國不起。閉門講學，篤志求道，危坐一室，貌恭心泰。學者稱之曰香溪先生。有文集二十四卷，行於世。晦庵朱子獨表章其心箴云：邑令唐君韶有言曰：先生之文，誦習者心箴而已。他蓋罕有知者，今觀其言，如以耻爲入道之端，以古之聖賢未有不由悔而成，又謂學者覺也，心且不存，何覺之有？皆超然自得於學，極有警發，不獨心箴爲可取也。故朱子有不知從誰學之語，先輩謂其得於孟子者爲多。嘉靖初，世廟御註心箴與四箴註，並頒布天下。

學官而范氏之學愈爲顯焉

石子重先生

石整字子重新昌人幼端慤警悟博覽羣書以發明聖學爲已任登紹興己丑進士授桂陽簿遷同安丞歲饑白府請蠲租酌以便宜民德其惠改知武進縣有訟數年不決一訊立辨郡守欲爲寓客治第屬役於縣費鉅萬整執不可曰剝民膏血以媚人吾不忍也守怒欲中以法民數千人相與詣郡俟守出遮道號訴至有褫其襜帷者守不能禁因更調尤溪縣時學校久廢整延其友古田林用中來掌教事旦夕率佐史賓客往論之開陳理道諸生莫不感奮他郡士有裹糧來學者至不能容乃爲拓地廣齋舍置田數百畝贍之更考古制舉行鄉飲酒禮於是士咸知學而民俗大變監察御史陳舉善丞相史浩先後薦於朝有旨召對首陳君道與天地準言甚剴切上嘉納之累遷太常主簿代朱熹知南康軍未行熹使浙東聞新剗饑民轉入台境亟以屬整整毅然任之不辭勞劇所全活甚衆熹曰此儒者康濟之效也整天資高邁究心理學與熹友益講明經傳宗旨

盡得其精奧發爲著述簡明醇粹多與熹合所著中庸集解熹嘗采之而中濟集註又別爲輯略以存諸儒之說而整尊經衛道之功益彰矣一時學者多師事之熹嘗呼曰子重兄及卒爲誌其墓有文集十卷集周易大學中庸解數十卷傳於世嘉靖間郡守洪珠特建書院於鼓山崇祀而表章之

東萊呂伯恭先生

呂祖謙字伯恭金華人宋尚書右丞好問之孫也其上世文靖公夷簡居壽州至右丞從駕南渡始居金華謙

之學本諸家庭得中原文獻之傳長從林之奇汪應辰胡憲游既又友張栻朱熹講索益精初廕補入官後舉進士復中博學宏詞科調宗學教授丁內艱居明招山四方之士多歸之除太學博士添差教授嚴州尋復召爲博士兼國史院編修實錄院檢討官輪對勸孝宗留意聖學及恢復大事召試館職嘗讀陸九淵文喜之而未識其人考試禮部得一卷曰此必江西小陸之文也揭示果然人服其精鑒父憂免喪主管台州崇道觀尋除秘書郎國史院編修實錄院檢討官以李燾薦重修

徽宗實錄書成進秩。面對以治道體統及國家未備之制。多所匡益。以疾請祠歸。先是奉詔編類皇朝文鑑。至是書成。除直秘閣。主管武夷山冲祐觀。明年除著作郎。兼國史院編修官。不就。添差兩浙東路安撫司參議官。亦不就。改主管亳州明道宮。卒。年四十五。其學以關洛爲宗。而旁稽載籍。不見涯涘。心氣平和。不立崖異。一時英偉卓犖之士。皆歸心爲少。褊急一日誦孔子言。躬自厚而薄責於人。不覺平時忿懣。渙然冰釋。朱晦庵嘗言。學如伯恭。方是能變化氣質。其所講畫。將以開物成務。既卧病而任重。道遠之意不衰。居家之政。皆可爲後世法。所註考定古周易書說。闡範官箴。辨志錄。顧陽公本末。呂氏家塾讀書大事記。若干卷。弟祖儉編其雜文。爲呂太史集及別集外集。凡三十餘卷。本其郡望。東萊學者。稱爲東萊先生。

潘叔度先生

潘景憲字叔度。金華人。幼穎異。日誦數萬言。九歲以童子貢京師。通念十三書。說六經大義。作三體字。詔特試禮部。賜束帛。後入太學。一時學官如汪應辰。芮曄。王十

朋皆推重焉。登隆興元年進士。調荆門軍學教授。不行。請爲南岳祠官。秩滿。宰相知其賢。欲留官中。都力請。太平州學教授。宰相問故。景憲曰。二親俱老。得遠次。尚可。日從容其側。他非所望。宰相歎以爲不可及。與呂祖謙同榜。而齒長。聞其論說行身探道之意。慨然感悟。遂弃所學而學焉。遭父喪。廬墓三年。服除。遂不復仕。日游呂氏門。躬執弟子禮。誦詩讀書。旁貫諸史。而於程氏易尤盡心焉。既又因祖謙以交於朱熹。往來講論。志同道合。遂以女妻其子塾。及卒。熹爲銘其墓。所著有記纂淵海。

詹體仁先生

詹儀之。字體仁。遂安人。登紹興進士第。乾道間。張宣公守鄉郡。呂成公分教。儀之方家。食日以問學爲事。淳熙二年。知信州。時朱文公、呂成公俱在鵞湖。往復問辯。無虛日。及帥廣東。首以濂溪舊治立祠。曲江上張宣公爲之記。後論廣益官鬻之弊。孝宗韙之。除吏部侍郎。知靜江府。在任六年。官鬻弊革。未幾代者中以飛語。遂有袁州之行。光宗登極。念儀之故。官僚許自便。既歸而歿。公論惜之。

錢子是先生

錢時字子是淳安人游楊慈湖之門奇偉不羣讀書不爲世儒之習以易冠漕司既而絕意科舉究明理學江東提刑袁甫作象山書院招主講席學者興起政事多所裨益其學大抵發明人心論議宏偉指摘痛快聞者皆有得焉丞相喬行簡知其賢特薦之朝且曰時夙負才識尤通世務田里之休戚利病當世之是非得失莫不詳究而熟知之不但通詩書守陳言而已授秘閣校勘詔守臣以時所著書來上未幾出佐浙東倉幕太史李心傳奏召史館檢閱轉對敷陳剴切皆聖賢之精微旋以國史宏綱未畢求去授江東帥屬歸其書有周易釋傳尚書演義學詩管見春秋大旨四書管見兩漢筆記蜀阜集冠婚記百行冠冕集

徐誠叟先生

徐存字誠叟江山人未冠從楊龜山游隱居教授執經門下者千餘人秦檜欲識之不能得朱熹少時相與講明理學著有六經講義中庸論孟解其門人如周賁周孚柴衛西安鄭雍陸律常山江泳皆著名當時云

南溪柴與之先生

柴中行字與之。以儒學顯。登紹興庚戌進士。慶元中。調撫州推官。時有司薦舉。以伊洛爲僞學。中行獨云。自幼習讀程氏易傳。如以爲僞。不願考校。士論壯之。後爲太學博士。屢遷。至知贛州軍事。踰年。請老以歸。與弟中守中立。講學南溪之上。時從游者。東渭楊伯紀。雙峯饒伯與等數百人。因稱之曰南溪先生。卒。贈通議大夫。寶章閣待制。謚曰憲肅。

柴元振先生

柴禹聲字元振。長臺人。宣和辛丑。同徐存受業於楊龜山。學於毘陵。時有潛心室。伊川門人鄒柄爲之記。推其師友淵源。遠有端緒。屢魁鄉薦。學者宗焉。紹興間。高閔擢國子司業。以禹聲堪克。史館特薦於朝。兄禹功。晚亦游楊門。扁其堂曰世學云。

江邦直先生

江介字邦直。開化人。少穎異。治舉子業。一日讀程子書。至水清性善之說。大有感悟。至衢。從徐誠叟學。復與朱晦翁相講明。初任興國司戶。叅軍。陞進賢令。歷官廣昌。

安普數郡皆稱惠愛民爭繪像立祠未幾轉奉議郎卒於途所臨兩邑老稚涕泣羅拜道左或越境而後返晦翁志其墓

陳少南先生

陳鵬飛字少南永嘉人幼孤專志問學性簡重言動有則以經術教生徒常數百人其學不爲章句新說必本入倫正論而趨於深厚兩舉於鄉俱爲第一登紹興第調鄞簿召對爲太學博士改秩兼崇政殿說書遷禮部郎初秦檜子熺在永嘉從鵬飛學至是熺爲侍郎所下

文案多臆決不應令鵬飛每批其後還之熺浸不平及經筵講天王來歸惠公仲子之贈高宗忽問母以子貴何如鵬飛從容以正對謂公羊之說非是高宗愕然時檜欲尊崇太母以效容悅大怒諷言者劾鵬飛譏議慈寧典禮遂罷去繼以侍御史汪勃言謫惠州後四年卒淳熙末留正始爲開陳詔官其孫載有詩書解行於世羅浮集十卷

鄭景望先生

弟伯英伯海附

鄭伯熊字景望永嘉人德行夙成經學尤邃無一指不

本於仁義無一言不關於教化紹興十五年登第歷黃巖尉婺州司戶尤溪丞隆興初召試正字除太常博士稍遷吏部侍郎出爲福建提舉魏王判宣州南面坐受屬吏進謁幕府進劄子亦坐而可否之及伯熊除府司馬遂以劄子開說謙德未光嫌疑之際或駭觀聽又判罷吏羊維再役伯熊引吏人年滿歸農不得再應募條法屢啓不從因自劾免朝廷知之改江西提刑奉祠起知婺州除吏部郎兼太子侍讀國子司業宗正少卿乞外以直龍圖閣知寧國府改建寧卒謚文肅伯熊自爲館職不自陳年勞以求磨勘紹興末伊洛之學稍息學者復於伯熊得之有六經口義拾遺有臆語若干卷皆究極本原達於事物有記聞若干卷前輩楷模及時人美惡凡涉理道者畢載由是永嘉之學宗鄭氏弟伯英字景元剛介果決論事駿發隆興廷對第四人調秀州判官俄上印綬歸養三十年其學優於經濟見義必爲鄉里利病倡率興除不遂其志不止也

弟伯海字彥容紹興進士第授海門尉歷官制置司參議授朝奉大夫卒於官伯海持身廉慎家居立義塾延

師訓生徒五百餘人。至今名其里曰學堂。前所居距文
蕭百餘步。時人稱東西二鄭云。

薛士龍先生

薛季宣字士龍。永嘉人。六歲而孤。從世父弼宦游。及見
故老聞炎興初將相趙張韓岳諸公事。遂有當世志。每
樂道其人。年十七。荆帥孫汝翼。諗其才。辟機宜文字。妻
以女。孫氏家多書。一意繙繹。隱君子袁沈授以伊川程
氏學。益自歛制。克養紹興末。調武昌令。金人敗盟。有端
季宣先事而薦。訪求河北陝西弓箭手保甲制度行之。

縣境訓練賞罰皆有法。則由是武昌保甲爲勝兵。移書
訣親友誓以死守。金兵自襄還。圍蔣州甚急。樞密汪澈
宣諭上流。召季宣問策。曰。以蔡州要害。得蔡蔣圍自解。
果如其言。其東道兵薄合肥。二三大將退却。復建議自
蔡乘勝拔許昌。向陳汝。則廬兵不戰可屈。亦如其言。召
對。除大理簿。與丞相虞允文議多不合。奏遣奉使淮西。
措置流民。將還。復命覆麥田。又命視鐵冶。歸遷兩官。除
寺正。入對。所薦士多旌擢。大臣滋不悅。丐外。守湖州。七
日。卽自免。僦鮑若雨故宅以居。起知常州。未上。卒。年四

十終奉議郎後謚文憲其學本於六經講明堯舜三代治法本末甚詳士不可以經學爲空談自季宣始有詩性情說書古文訓春秋經解旨要大學說論語小學通鑑約說漢兵制九州圖志及校讐陰符山海經等書

王龜齡先生

王十朋字龜齡樂清人少穎悟日誦數千言稍長操筆已有憂世拯民之志通六經尤長於春秋聚徒梅溪從游以百數入太學名譽藉甚紹興丁巳以上舍廷對萬言高宗覽而異之親擢爲第一宸翰褒之曰經學淹通

議論醇正是日詔天下毋得以金翠爲飾遠方所獻翠羽悉燔之用對策語也簽書鎮東軍判官除校書郎兼建王府小學教授金人敗盟入對言禦戎莫急於用人用人莫先於人望乞急用張浚劉錡又論楊存中以管軍領三公名器濫極清資加於噲伍高爵濫於醫門統師剝下賂上結怨三軍道路捕人爲卒結怨百姓上大感悟及金兵入境卒起浚錡如其言孝宗卽位屢遷起居舍人兼侍講尋除侍御史力贊北征之計沮於異議徙吏部侍郎不拜出知饒州究心撫字恩惠周流鎮夔

州饒民丐留不可至斷橋截路十朋從間道去治夔期
年改知湖州去夔如去饒戶部責虛逋三十四萬告不
可卽丐祠州人送越境涕泣而返起知泉州以治績進
敷文閣直學士泉民爲立祠凡四郡之政光絕一時召
爲太子詹事旣至對選德殿以足弱給扶減拜賜坐從
容就賜鞍帶俄疾作連章告老以龍圖閣學士致仕有
大星隕於故居命下而卒命漕臣典喪事謚忠文十朋
之學一出於正自孔孟而下惟韓文公歐陽公司馬公
是師故其文粹然有春秋尚書論語解梅溪集

俞季淵先生

俞浙字季淵新昌人登進士歷監察御史三疏時事皆
忤肯不報改大理少卿不就乃浩然歸閉門著述有六
經審問離騷審問及韓文舉隅諸集浙爲人寡言篤行
端矩矱肅衣冠不喜馳騫與石塾黃度先後發明理學
尤崇尚朱熹傳註所得良多晚年深察而拓克之以求
合中庸之旨自號致曲老人

黃仲庸先生

黃中字仲庸平陽人學以關洛爲宗錢文子一見期以

國士登紹興第。歷館閣。累遷起居舍人。兼侍講。出知袁州。泉州。以右文殿修撰。卒。中以進士第三人中第。越三十載。居官僅十考。故得大肆其力於學。與朱晦庵往復講論。欲於實地用工。不徒託之空言而已。嘗校藝潛闈。時學禁方嚴。中發策有云。平居不以利祿入其心。而培植涵養。如水有根。水有源。用之則廻。既倒之狂瀾。不用則唱和寂寞之濱。亦足以名世。任此責者。誰與晦庵後見之曰。近年若此等議論。令人歎服。初人經筵。寧宗曰。朕正賴卿輔佐。語之再三。中前後三十餘疏。傾心忠梗。無所回撓。魏了翁以爲古之遺直。

陳叔向先生

陳葵字叔向。青田人。自少篤學。至老不倦。舉隆興進士。知平陽縣。居官廉介。父病不解衣數月。兄弟相友愛。師事魏益之。因教以盡弃所懷。獨立於物之表。未久忽大悟。洪纖大小高下。曲直若有見焉。且疑呂伯恭讀書徒多。朱元晦修方不療。時政又嘗自言用功益難。進道愈遠。古人今人皆未可輕議。晦翁每重其學術。士有志者必使往從之。曰。可以寡過。又與其子在書曰。過青田不

可不見陳叔向也。其爲時所欽嚮如此。書曰：微言曰：陳止齋先生。

陳傅良字君舉，瑞安人。年未三十，心思挺出新語，懋長學者。駭未曾有由，是文名擅天下。授徒仙巖，四方景從。薛季宣訪之，問以所安。傅良曰：毋不敬。季宣曰：此參倚何如？傅良釋然有省，乃謝去。舊學從季宣於滬上，閱數歲，盡得其本末，遂以斯文爲已。任乾道八年廷對，文逼西漢，議論過之。殿臚定爲第一。旣而不果，調泰州教授。未上，除太學錄，因議科舉法不合，出通判福州。知桂陽軍，召爲吏部郎。入見，光宗迎勞曰：卿昔安在？朕思見卿久矣。其以所著書示朕，退以周禮說上。除秘書監兼嘉王府贊讀，遷左史兼中書舍人。會光宗疾作，久闕南內。定省，中外切諫。一日得旨過宮，百僚班俟。光宗已出御屏，慈懿后復挽入。傅良引裾請母入，至御屏後，后叱之。傅良哭於庭，后遣人問之曰：此何理也？對曰：以子諫父，不聽則號泣而隨之。后益怒。傅良下殿不返，舍徑出國門。寧宗卽位，召爲中書舍人。會黨論起，遂奉祠。久之，起知泉州，以疾辭。除寶謨閣待制，卒。謚文節。傅良旣愛學。

於薛季宣已而入太學尚友張呂凡諸儒所講克已兢畏敏德氣義之說及文獻相承所以垂世立國者傳良得之猶菟斷簡采異聞一事一物必稽其極而後止千載之上珠貫繩聯若目見而身折旋其間呂伯恭以爲長不獨在文字也其操術精而致用遠施爲不竟惜哉所著有周禮說春秋後傳左氏章句毛氏詩解諸讀書譜建隆編止齋文集學者至今稱止齋先生

慈湖楊敬仲先生

楊簡字敬仲慈谿人清明純一非禮不動燕私儼恪如臨君師學以古聖爲的入太學第進士主高陽簿日坐公堂輒諷詠魯論孝經不動聲色而民自化陸九淵道其邑齒長二歲指以心學之要遂北面師事焉調紹興府理掾朱熹持庾節首薦之每稱簡學有爲已功夫宰饒之樂平謂教養茲邑欲使邑人皆爲君子况學者乎誨之諄諄不倦爲講堂訓曰學者孝而已矣時有古今道無古今性無古今聞者興起以國子博士召講易乾卦發人心固有之妙趙汝愚免相祭酒李祥抗疏辯之簡上書亦以學黨斥閒居十三年以秘書召遷著作將

作少監守溫州訪賢者禮致之崇孝養明宗族相恤之
令首行鄉舉倣周官敬敏任恤之類書善不書惡除工
部郎將作監告老奉祠召不起終敷文閣直學士以寶
謨閣學士致仕壽八十六謚曰文元有詩易春秋論語
古文孝經傳孔子閒居解簡至誠篤敬期功之戚下洎
總麻一以經禮爲則而容色稱之平居接物從容和樂
未始苟異於人而高遠自不可及北方傳誦其文曰此
江南楊夫子也

袁和叔先生

子甫附

袁燮字和叔鄞人生而端粹專靜乳媪置槃水其前玩
視終日夜卧常惺然稍長讀東都黨錮傳輒以名節自
期入太學見陸九齡遂師事之同里沈煥楊簡舒璘皆
聚於學朝夕以道義切磨第進士爲太學正時名儒朱
熹輩皆斥燮知不爲時所容尋以學黨去更歷外服入
朝至太常丞兼考功郎知江州提舉江西常平以都官
郎召遷司封又遷國子司業祭酒延見諸生廸以切已
之學聞者興起以秘書監兼崇政殿說書遷禮部侍郎
侍講兼祭酒每講必託義以諷立朝守正不阿議者指

爲好名遂奉祠以歸著述弗倦或勸宜少休曰吾以此
爲笙鏞管磬不知其勞也終顯謨閣學士贈龍圖閣學
士謚曰正獻嘗曰此心存則雖賤而可貴不存則雖貴
而可賤吾心與天地一本精思以得之兢業以守之則
與天地相似每謂爲學當以聖賢自期仕宦當以將相
自任其所講明體用兼綜於詩禮論說尤詳成就後學
甚衆子甫進士第一爲兵部尚書國子祭酒亦稱名儒

沈晦叔先生

沈煥字晦叔自定海徙鄞偉儀觀尊瞻視音吐鴻暢羣

居鄉校以嚴見憚入太學行藝優諸生始與臨川陸九
齡爲友一日盡舍所學師事焉晝夜鞭策務本趨實不
自矜銜第進士講學不倦自以資稟剛勁非所以懽庭
闈大書深愛和氣愉色婉容數語於壁日觀省焉門人
弟子決疑請益者自遠而至啓告簡嚴中心悅服師道
益尊爲太學錄修教養法士爭歸之不詭隨苟容以取
光寵遂補外終於舒州通判煥非聖哲書未嘗誦習與
朱文公呂成公問辯凡世變推移治道體統明君賢臣
經綸事業孳孳講求日益深廣追贈直文華閣特謚曰

端獻

藝堂湯達可先生

湯建字達可、樂清人、少爲陳傅良所知、天文地理古今、制度考覈精詳、洞達本末、遂棄舉子業、篤意兢省、深造理窟、始以其學授徒、名儒達宦多受業焉、尊曰藝堂先生、每夙興必齋沐、讀易一卦退與友朋商論、欣欣自得、有古瑟嘗鼓以自娛、年踰八十卒、所著有詩衍義論語道德經解

林景文先生

林武字景文、永嘉人、少勤敏、力學博通經史、斟酌理學淵源、朱晦庵講道武夷、徒步往從之、親受中庸衣錦之旨、歸而扁其堂曰尚綱、且輯平日所聞爲語錄數帙、後以恩科入官、授河池縣尉、考滿廣漕、交辟不就、性度冲約、出於自然、父老跬步不離、親湔中衣、躬掖臥起、旣艱毀瘠、幾不能終喪、歲歉以私惠及遠、邇鄉曲期以其後必大旣而子賀孫終相繼登科、說者以爲天道有知云

南坡葉茂叔先生

葉秀發字茂叔金華人師事呂祖謙深於性理之學擢慶元丙辰進士授福州長溪簿轉慶元府學教授嘗著論語講義發越新意以誨諸弟子一時鉅儒如樓煥史彌鞏婁昉鄭性之袁燾楊簡皆相器重願與之交而於簡問難尤詳簡每自謂得所啓發秩滿調桐城丞金人犯蘄黃桐爲隣壤人凜凜不自保騎兵將迫家人號泣求避秀發叱之曰此正臣子竭力致身之日也雖死何憾苟先去之如一城生聚何修城濬濠日爲備禦計會金人使諜者至秀發擒之亟斬以徇金人計沮不敢近邑賴以完制閫忌其功不自已出上其擅斬貶秩未幾論奪秀發退居十餘年無一毫觖望意史彌遠當國有自桐城來者歷言秀發撫綏安定之詳且言某等得保首領至今皆葉丞之賜不然已無桐城久矣遂擢知揚子縣遷知高郵軍高郵爲淮東緊治時尚驛騷秀發上五策曰防海道審邊備擇武守練軍實蓄財用而以作人心正士氣爲之本所言多聽築高沙三十六湖建石礫以疏水勢潴洩有恒無乾溢之患其後馬光祖來爲守行礫上思秀發之功構堂樊泲之隄以祀焉卒年七

十餘所著有易說周禮說論語講義行於世學者尊曰南坡先生

崑隱戴少望先生

戴溪字少望永嘉人少築精舍崑岡與王柵讀書其中盡通諸經聲名日起江浙之士從游者數百人登淳熙策敷歷中外最後由大司成登從橐遂兼詹事以經學輔景獻太子家有明經堂太子親書其扁終工部尚書以翼贊恩贈端明殿學士謚文端溪性行純明平實簡易求聖賢用心不為新奇可喜之說而識者服其為理到之言嘗與朱晦庵遇於旅邸時從晦庵行者衆溪謂之曰不畏鉤黨之禍乎晦庵矍然散遣之嘉定更化朝論將取疇昔奸黨盡投嶺海溪獨援紹興往事恐貽君子小人翻覆之禍議遂寢所著有易詩春秋說語孟答問通鑑筆議將鑑復讐對崑隱文集學者至今稱崑隱先生

葉水心先生

葉適字正則其先括蒼人徙永嘉資稟茂異風度澄肅卮角記誦如流十歲能屬文淳熙廷對第二人除太學

正遷博士朱晦庵爲林栗所論適上疏言栗非是知蘄州一以靜治處士李之翰居中洲通性命之學適每款門相與切劘入爲吏部郎孝宗升遐光宗以疾不能執喪適贊趙汝愚請嘉王參決宗社底定遷司業兩學相慶得師除淮西總領罷知泉州久之以工部侍郎召徙吏部兼直院不拜以寶謨閣待制守金陵引疾請祠里居十有五年累進寶文閣學士卒年七十四謚文定適生平喜讀書不以世務萦懷考論古今品藻人物自成一家言名重當世四方學者仰之如山斗咸稱水心先生遠而高句麗捐金帛購求其文有習學記言荀楊問答外藁有水心進卷竝行於世

周子靖先生

周端朝字子靖行已族孫仲父去非登科爲張南軒高弟端朝少淹貫爲葉適所知繼從朱氏於武夷而業益進紹熙中入太學趙汝愚爲李沐所攻罷相端朝與同舍生楊宏中等上疏拯之得罪羈信州久之放便時號六君子登嘉定第調桂陽軍教授首立濂溪祠於學以示標準秩滿除太學錄遷博士入對言人主之學與士

大夫之學不同士大夫一心之存亡繫於一身之是非人主一念操舍驟關天下之休戚除太常兼司封郎又之以軍器監兼司業居數月遷秘書少監兼侍講復言近歲經筵例成兼職令抱道篤學之士列在庶官守道不苟之賢栖置散地乞廣加收召以備其選於是蔣重珍徐清叟葉味道相繼進用端平初時相怵於浮議遽與三京之師端朝力言其不可旣而師徒撓敗卒如所料除權刑部侍郎卒謚文忠端朝儀容莊靜心事和平內行純備居喪執禮黃冠釋子未嘗及門有田半頃盡歸其兄一室蕭然不顧也寶紹間權門熏灼端朝侃侃守正不可親晚方進用未得少行其志士論惜之

郎晦之先生

郎曄字晦之錢塘人從學於張九成嘗編橫浦日新錄以儒學知名或謂曄世系與侍郎郎簡同譜曄曰我家白屋豈可妄扳華胄識者許之淳熙十四年特奏得官未任卒

劉子宣先生

劉炎字子宣少侍父遜齋先生習聞庭訓專事程朱之

學因慶元黨藉隱居不仕從真文忠游著劉子適言十
二卷其略謂中天地而立與天地參者人也人之性天
地之性也孔子以爲貴孟子以爲善天地予人之正也
君子保天命之性之謂仁成天命之性之謂學其言行
於世

舒元質先生

舒璘字元質奉化人雅有大志耻以一善自名篤實不
欺無毫髮矯僞入太學師張栻又從陸九淵朱熹及呂
祖謙兄弟講習力於躬行嘗曰非能一蹴入其域刻苦
磨厲改過遷善日有新得亦可以勿畔云爾第進士教
授徽州以身率多士日詣學寒暑不懈暮夜亦間往勸
誘啓迪質或不美未嘗忿疾需其自新作詩禮講解以
授諸生徽人追思之曰吾鄉學問之源室而復通者先
生實開之因祠於學璘信道甚篤利祿之念不萌宰平
陽臨政聽斷人服其平終於宜州通判淳祐中特謚曰
文靖

山堂章俊卿先生

章如愚字俊卿金華人自幼穎悟潛心理學登慶元丙

辰進士與真德秀同榜累官國子博士未幾改知貴州政績大著開禧初被召上疏極陳時政因忤韓侂胄罷秩歸結草堂山中與士子講學遠近咸師尊之稱曰山堂先生所著有羣書考索六十六卷文集若干卷

李從仲先生

李大同字從仲東陽人學於朱熹之門鄉貢入太學年六十講學益力登嘉定進士第由郡教授爲國子博士輪對詞意激烈上嘉獎之累遷右正言兼侍講首陳謹獨之戒謂人主燕閒敬畏之心易縱莊敬之容易弛情

欲一肆如水橫流而莫之遏况復有宦寺之屬窺伺歡娛導淫勸侈以蠱上心竊弄威福上爲之改容遷太常少卿除侍御史其言不激不隨斥去黨論善類皆推其深識與真德秀同在經筵德秀進講大學言此心當如明鏡止水不可作槁木死灰大同謂不可二字未安蓋此心自是活物豈當作槁木死灰德秀歎服時喬行簡獨當國以親嫌累疏乞外遷刑部侍郎兼修國史進工部尚書以寶謨閣直學士知平江府乞祠提舉太平典國官卒年八十七大同資稟純厚神氣清和端行拱立

望之使人意消至於忠言嘉謨上裨緝熙下濟蒼生嘉熙端平之治大同之助爲多所著有詩文十五卷奏議十卷羣書就正六卷羣經講議十五卷通鑑隨錄六卷唐事類編二卷

船山楊子權先生

楊與立字子權本浦城人受業朱子之門嘗知遂昌縣因家於蘭谿以道淑人學者多宗之稱爲船山先生所輯有朱子語略二十卷其幽居詩云柴門閬寂少人過盡日觀書口自哦餘地不妨栽竹木放教啼鳥往來多溪頭詩云溪頭石磴坐盤桓時見脩鱗自往還可是水深思極樂不須妄意要投竿吳師道云有道之言意象自別頗與禽語相關窓草不除意同北山何基魯齋王栢皆嘗訪道於先生先生一見北山而稱許之由是盤溪之從游始盛魯齋亦有就正於橋堂船山麓識伊洛淵源之語

傳貽輔漢卿先生

輔廣字漢卿崇德人淳謹勤恪少讀濂洛書慨然願學從呂祖謙游復師事朱熹與黃幹竝稱僞學禁與蔡元

定貶死。廣獨侍熹不去。入京師。居太學南。集同志講學。不輟。堅忍篤信。終始不渝。主崇德學事。以師友淵源。倡率其徒。嘗扁其堂曰傳貽。學者稱傳貽先生。所著有論孟答問。六經集解。詩傳童子問。通鑑集義。日新雜文。子大章。舉進士。

徐崇甫先生

徐僑字崇甫。其先諸暨人。有祖官吳越。爲常侍。始遷於義烏之龍陂。從學於呂祖謙門人葉邦登。淳熙進士第。調上饒簿。始受業朱熹之門。熹稱其明白剛直。命以毅

名齋。歷紹興南康司法。皆以憂去。服除。累官提舉江南東路常平茶鹽事。上書極言朝廷時政。請詔大臣以正己之道。正人憂家之意。憂國庶幾致安。於己危。迓治於將亂。丞相史彌遠怒。令言者劾罷之。理宗卽位。禮部侍郎真德秀奏寬直敢言如徐僑者。願置之。言地時彌遠猶在相位。不報。葛洪喬行簡代爲請祠。迄不受祿。遂引年告老。紹定六年。朝廷更化。收用老成。除直寶謨閣。江東提刑。尋除秘書少監。改太常少卿。屢辭。逾年始入覲。手疏數千言。皆感憤慨切上。爲竦聽。顧見其衣垢履弊。

愀然謂曰卿何貧甚耶對曰臣不貧陛下乃貧耳上曰朕何謂貧對曰陛下國本未建疆宇日蹙權倖用事將帥非材旱蝗相仍盜賊竝起經用無藝帑藏空虛民困於橫歛軍怨於陪尅羣臣養高而天子孤立國勢阽危而陛下不悟臣不貧陛下乃貧耳又言女謁閣宦表裏用事帝爲之感動改容咨嗟明日手詔罷邊帥之尤無狀者申儆羣臣以朋黨爲之戒命有司裁節中外浮費而賜僑金帛甚厚僑固辭不受除兼侍講尋兼權國子祭酒勸講之際開陳友愛大義遂復皇子竑爵且建言

子思宜配享孔子二程子宜列從祀王安石宜廢勿祀趙汝愚宜配享寧宗帝皆如其請論王楫使事僑以旣無國書則非正使宜館之於外如晉叔向辭鄭故事與時宰論不合力求去帝諭留甚勤遷工部侍郎求去益堅陛集英殿修撰提舉佑神觀兼侍讀僑奏領祠勸讀乃體貌重臣之殊禮力辭不敢當遂以寶謨閣待制奉祠卒年七十八謚文靖所著有讀易記三卷讀詩記詠一卷雜說一卷文集若干卷子錄鈞鑄皆傳其家學以世賞入官

葉成父先生

葉由庚字成父義烏人生而口吃嗜讀書習春秋爲舉子業試有司不中遂絕意進取時徐僑倡明朱熹之學由庚執經從之僑授以中誠仁命性心六字之說由庚蚤夜磨礪探窮經旨驗之於躬行期凝合而無間僑謂人曰成父從僑最久靜愿無他好講學意趣殊深吾道爲有所託矣遂以通名其齋且戒之曰心體之流行卽天運之流行也無乎不通而塞之人其物矣由庚佩之終身金華何基王栢皆宗於熹學次第相傳遠有端緒皆慕由庚造詣真切相與貽書辯析至無虛月基栢皆深服其言嘗謂古人知行並進聞一善言見一善行未之能行唯恐有聞若纏蔽於文字間待其知至而後行是終無可行之日也人以其名言平生不務著書惟研漁洛諸儒之說以教人僅有論語纂遺若干卷詩文若干卷瘖叟自誌一卷藏於家

西山葉知道先生

葉味道字知道初名賀孫自括蒼徙永嘉早從朱晦庵於武夷山中學禁開登嘉定進士理宗朝遷宗學教授

上言人主之務學天下之福也必堅志氣以守所學謹
幾微以驗所學正綱常以勵所學用忠言以克所學又
述帝王傳心之要與四代作歌作銘之旨帝一日忽問
伯有之事味道對曰陰陽二氣之聚散一定而不易者
其常也不得其死而鬱結不散者其變也伯有得罪而
死其氣不散於是爲之立子洩以奉其後蓋諷皇子竑
之事云味道在經筵凡所講說敷陳無一言不切君身
無一事不關治道議者推服除秘書郎兼工部郎卒景
定間門人范東叟爲請謚曰文修學者尊爲西山先生
著有四書說儀禮解經筵講議輯次朱氏語錄四十三
卷

西山真希元先生

真德秀字希元生於西山旣壯徙浦城由進士博學宏
詞科累官起居舍人史彌遠得政力乞補外除秘閣修
撰江東運副改知泉州歷知隆興江西湖南安撫理宗
立召爲中書舍人兼侍讀擢禮部侍郎直學士兼國史
院修撰嘗因經筵進說曰惟學可以明此心惟敬可以
存此心惟親君子可以維持此心每進鯁言上皆虛受

彌遠諷言官論罷之。紹定中起爲徽猷閣待制。知泉州。改福建安撫使。知福州事。尋召爲戶部尚書。辭不允。除翰林學士。知制誥。兼侍讀。拜參知政事。踰月以疾丐祠。以資政殿學士提舉萬壽宮。卒。謚文忠。學者至今稱西山先生。邇其所生也。

潛室陳器之先生

錢木之徐寓徐容附

陳埴字器之。永嘉人。父燁字民表。工屬文。善持論。爲水心葉適所推。三子增埴止善皆登科。埴少穎悟。久從朱氏於武夷。所見超卓。紹定間江淮制置趙善湘建明道書院。辟埴幹辦公事。兼主講席。四方學者從游數百人。尊爲潛室先生。後以通直郎致仕。卒。同時郡人若錢木之徐寓與弟容俱從朱氏學。而臯比之尊。輒以推埴焉。著有禹貢辯洪範解王制章句木鐘集。

北山何子恭先生

何基字子恭。金華人。賦性端凝。夙有遠志。少從鄉先達陳震習舉子業。課程若不得已。而潛心義理之功居多。旣冠。侍其父伯夔爲臨川丞。適勉齋黃幹爲令。遂師事焉。幹教以必有真實心地。刻苦工夫。而後可。基悚然受。

命始聞伊洛淵源之懿。臨別告以熟讀四書。使習次決。洽道理。自見。遂終身服習。頃刻不忘。一室危坐。萬卷橫陳。每於聖賢微辭奧義。有疑而未釋者。必平心易氣。勿忘勿助。待其自然貫通。不立異以爲高。不徇人而少變。克其所知。而反之於身。無不允踐。其實。船山楊與立。一見推服。由是學者爭趨焉。王栢旣執贄爲弟子。甚謙抑。不以師道自處。栢高明絕識。序正諸經。弘論英辯。質其難疑。或一事至十往返。基終不變。以待其定。嘗曰。治經當謹守精玩。不必多起疑論。有欲爲後學言者。謹之又謹。可也。平生聞一善言。見一善行。喜形於色。若已有之。或聞朝有關政。四方有警。輒惻然不樂。至忘寢食。隱居求志。不願人知。真無媿古人爲己之學。郡守趙汝勝。蔡招楊棟。相繼聘主麗澤書院。皆辭不就。景定五年。與建人徐幾。同被特薦。添差婺州教授。兼麗澤山長。力辭度宗立。授史館校勘。兼崇政殿說書。又頒詔劄。敦勉備至。辭益力。特改承務郎。主管南嶽廟。使食其祿。以遂高志。然亦終不受也。咸平四年卒。年八十一。平生不著述。惟研究考亭之遺書而已。居北山盤溪之上。學者稱爲北

山先生國子祭酒楊文仲請於朝賜謚文定

王會之先生

王栢字會之金華人祖師愈從楊時受易論語後與朱熹張栻呂祖謙游父瀚與其叔季執經朱呂之門栢生稟高明抱身宏偉少慕諸葛武侯之爲人自號長嘯年踰三十始知家學之原慨然捐去俗學以求道與其友汪開之讀四書取論孟集義別以鉛黃朱墨以求文公去取之意著論語通旨至居處恭執事敬惕然歎曰長嘯非聖門持敬之道亟更以魯齋歷造楊船山劉橋堂而卒業北山焉北山授以立志居敬之旨且作魯齋箴勉以質實堅苦之學有疑必從北山質之自著敬齋箴圖畫出一敬字爲日用躬行之則夙興見廟治家嚴飭當暑閉閣靜坐子弟白事非衣冠不見也四方來學者衆隨其所學淺深引誘啓迪以開其適道之門提綱疏目折殊會一未嘗不竭盡無餘又編朱子指要示之士大夫叩請者每語之曰士生天地間以萬物皆備之身而不以古今自任經綸自期者皆自遏其躬而已郡守趙汝勝蔡抗楊棟相繼聘主麗澤講席台守謝景緯又

聘為上蔡書院師首講謝子大居敬貴窮理之旨敷暢瑩白聽者竦然意融心服雖鄉之耆德亦執弟子禮來謁既歸講道於家學子懷慕不遠數百里相從弗置晚年積厚養固精強清勁雖少壯勿逮孜孜述作殆不知老之將至咸淳十年七月一夕無疾而終年七十有八其為人學博而義精心平而識遠考訂羣書如于將莫邪所向肯綮迎刃而解凡朱子發端而未竟疑而未決與諸儒先闡明之未及者莫不該攝融會權衡裁斷如論河圖洛書九疇洪範及詩大學格致章中庸古本皆卓識獨見至天文地志律曆井田旁及文章字學莫不各有論著多不備載國子祭酒楊文仲請於朝謚曰文憲

徑畷徐景說先生

徐霖字景說西安人幼穎異年十三即有志聖人之道研精六經以探其要淳祐試南省第一人及第後授沅州教未赴時宰臣史嵩之姦邪顯國霖上疏力言之無何嵩之以父喪去上思霖言召試館職論國大計甚激切除秘書省正字再除校書郎以言不行去朝廷再三

挽留不可歸借屋以居讀書養親裕如也郡守游鈞買田築學舍請霖講學遠近之士裹糧來游者三千餘人朝旨特改官通判常州除秘書著作左郎通判信州皆不赴未幾除兼國史編脩官實錄院檢討拜命引見奏言萬化之本在心存心之法在敬上獎諭再三除崇政殿說書上嘉其直有大用意是月兼權左司自是小人中以巧計而謾言入矣乞補外差知撫州獎士類寬民力誅悍將人情悅服視事未一月以讒黜士民攀臥車幾不行寶祐改元差知衡州二年改劔南皆不起又改袁州丁父憂哀毀過制疾作卒年四十八霖天質既高學力又到由尸居以達日用本末具備平居與人言低聲下氣至於處官立朝則忠肝義膽奮不顧身貴育不能奪晚年閒居既久涵養益深不及大用以死命也有太極圖說遺稿五十卷學者稱爲徑畷先生

趙德父先生

趙景緯字德父於潛人少勤學弱冠得周程諸書讀之後往來葉味道度正之間以求放心爲本所索益精登淳祐進士第授江陰軍教授丁母憂以祿不逮養服闋

不調作讀書庵。懸雷山每進華秩，必固辭。歷知台州兩
辭不赴。趨命益嚴，至郡以化民成俗爲先務，取陳述古
諭俗文書示諸邑。及孝經庶人章爲四言，詠贊其義，使
朝夕歌之。至有爲之感泣者。建黃巖社倉六十有六，其
諸善政不可殫載。進考功郎，四辭新命，且乞於赤城桐
栢之間採藥著書，不許。御批兼崇政殿說書，三辭而後
造朝。侍緝熙殿以易進講，又論監司守令舉刺不當，不
足以服天下之心。彗出於柳，應詔上封事，拜大府少卿。
以直敷文閣，知嘉興府，辭，乞奉祠，不許。拜宗正少卿，兼
侍講，乞祠還家。御筆趨行，除兼權工部侍郎，又命兼權
中書舍人，三辭不許。封還濫恩詞頭，帝從之。進權禮部
侍郎，兼修玉牒，再辭，不許。進聖學四箴，授集賢殿修撰。
知建寧府，召爲中書舍人，進顯文閣待制，乞祠，遂差提
舉王隆萬壽宮，未幾疾作，謝醫，却藥，曰：使我清心以順
天命，毋重惱我懷。拱手三揖而卒。詔特贈四官，至中奉
大夫，謚文安。

車清臣先生

車若水，字清臣，黃巖人。初事陳貧窶者，卿學古文，其祖

隘軒先生不悅也。乃從清獻杜公游。始大有得。遂潛心性理之學。嘗欲取大學知止有定一節。合聽訟章爲格。物致知傳。金華王魯齋聞之。以爲洞照千古之錯簡。使朱子聞之。亦當爲之莞爾一笑。又嘗著道統錄。宇宙略記。與冗藁諸書。皆行於世。

康敏黃立道先生

黃超然字立道。號壽雲。黃巖人。與車王峯往來。金華王魯齋之門。得理學之傳。而尤精於易。晚卒。賜謚康敏。其謚議曰。故壽雲先生黃超然。以文肅華胄。詩禮名家。學貫六經。尤邃於易。安居恬靜。不以貧窶動其心。性識高明。不以功名易其志。以博達之才。道德之化。漸於鄉里也。遠淵源之學。仁義之教。被於後人也。深故旣歿。而名益彰。所著周易通義等書。皆能羽翼程朱。開明後進。是宜於設教之所。錫以書院之號。禮所謂鄉先生。沒而可祭於社者。公實有焉。定議易名。國有令典。按謚法。壽考且寧曰康。好古不怠曰敏。請謚康敏。

庶善翁如山先生

翁巖壽字如山。初名夔。永嘉人。登淳祐第。調永州教授。

未上丁母憂服闋授寧國軍書記除太常博士遷國子丞知興化軍卒。夙壽性行純固德容粹然從陳埴最久。微言奧義盡得其傳退而私淑其里學者日衆常令諸生讀近思錄曰此讀書之梯級也。又令觀言行錄曰此爲人之標準也。其學以修身勵行爲務不專在言語文字學者尊稱曰庶善先生。

張伯誠先生

張潤之字伯誠蘭谿王益人游北山何文定公之門餘三十年盡得北山之學北山之墓也潤之爲定士禮不用品官之儀以成其志北山輯近思錄發揮未就而卒。仁山金履祥繼成其書每條皆質於潤之而後定。晚歲避亂居金華山中盖有桃源之思焉白雲許謙稱之曰先生之德篤實清介問學專力於經其季龍泉公蚤世訓其遺孤而經紀其家且衣食之先生長仁山二十年爲同門先達平居商略討論情好最密他人不及也先生被服樸略人視之巖谷一叟耳而天機駿利襟度融朗有浴沂詠歸氣象彼以貌觀先生者豈知德哉。

仁山金吉父先生

金履祥字吉父，蘭谿人。少而好學，有經世志。凡天文、地
形、禮樂、刑法、田乘、兵謀、陰陽、律曆之書，靡不研究其微。
而克極於用。年十九，知向濂、洛之學，遂弃舉子業。師魯
齋王文憲公，問爲學之要。魯齋舉何文定公立志居敬
之說，問讀書之目。曰：自四書始。又從魯齋登北山之門。
北山曰：會之屢言賢者之賢，便自今日截斷爲人。田是
講貫愈精，造詣益邃。往來二公間，何示以省察克治，王
示以涵養克拓。語雖甚約，履祥服之終身。嘗若有未盡
焉，當時議者謂何之清介純實，似尹和靖、王之高明剛
正，似謝上蔡。履祥則親得之二氏而並克於已者也。履
祥在宋季，嘗以布衣游公卿間，間進牽制擣虛之策。時
不能用，及國勢以危，始思其言。以史館編校召之，已不
及於用矣。旁郡嚴陵有鈞臺書院，郡守以文憲上蔡故
事聘爲之一出。舉子陵懷仁輔義之說，摘發仁義之蘊。
學者始知有義理之學。晚歲築居仁山之下，講道著書。
以淑後進，諄諄不倦。言論風旨，皆可誦法。學者不敢字
之稱仁山先生。所著有尚書表註、大學指義、疏義、論孟
考證、通鑑前編，行於世。

劉習甫先生

劉漢傳字習甫上虞人少孤力學弱冠貢於鄉以祿弗
逮親絕意仕進沉潛伊洛之旨往見雲源何先生得建
安二蔡易洪範之學先生授以奧旨且勉之仕年四十
六始舉進士主黃梅簿三仕至監都進奏院陛對條列
廣聖學闢異端伸直氣恤民隱四事又遷司農丞守南
康知吉州皆有善政及兼江西提舉時大江失險虜兵
逼境人心震搖漢傳嚴設警備簡精銳遮要害民賴以
安制書嘉獎除直寶謨閣尋知處州累遷兩浙運使吏
部郎官典尚書右銓進司農卿皆力辭自是閒居十一
載篤學守道嘗著止善集通鑑會評洪範奧旨若干卷
臨終索筆書生爲宋民死爲宋鬼樂哉斯丘兆足行矣
之句遺二子遂暝年七十六

黃東發先生

黃震字東發慈谿人中進士第爲吳縣尉有能名後爲
史館檢閱入對言危亡災異在旦夕而緇黃出入宮禁
無節失朝廷體度宗大怒批降三秩卽出國門用諫官
言得通判廣德軍時社倉法大弊衆以始自朱熹不敢

議震曰。法出於聖人。猶有變通。安有先儒爲法。遂不得救其弊邪。爲別買田六百畝。以其租代社倉息。非凶年不得輒貸。貸不取息。定爲法。時郡將賈蕃世以權相從。子驕縱不法。震數與爭論。是非蕃世積不堪。疏震撓政。解官。尋判紹興。撫州飢起。震知其州單車疾馳中道。約富人耆老。以某日集城中。過期者罰。至則大書閉糶者。藉強糶者。斬揭於市。不抑米價。價爲日損。坐驛舍。署文書。不入州治。親煮粥食餓者。請於朝。給爵賞。旌勞者。而後入視州事。善政種種不可殫述。陞提舉常平倉司。改提點刑獄。決滯清訟。赫然如神明。時有貴家害民。震按之。又發富人粟。故豪家比而致螫。中有陳堅。時爲御史中丞。遂劾震免官。福王與芮判紹興。朝命震爲長史。辭不拜。國事日蹙。朝廷宰輔爭避去。震知不可爲。歸寶幢山中。誓不入城府。震嘗告人曰。非聖人之書。不可觀。無益之詩文。不必作。先是楊簡倡陸學。士皆翕然宗之。孔門博約之訓。幾廢。而震竭力與朱學人知向方。每閱經史文集。輒疏其精要。凡微詞疑義。反覆辯論。名曰日抄。一百卷。春秋禮記皆有集傳。其死也。里人私謚爲文潔。

先生。方逢辰字君錫淳安人初名慶魁淳祐十年舉進士第

蛟峯方君錫先生 弟逢振附

方逢辰字君錫淳安人初名慶魁淳祐十年舉進士第
 一、理宗御筆改今名故字曰君錫累官兵部侍郎國史
 修撰兼侍讀除吏禮部尚書俱不拜先是丞相鄭清之
 賈似道擅權逢辰叩闕言時事弊旨激烈忤權相意乃
 稱疾以歸元世祖詔御史中丞崔彥起之辭不赴卒於
 家逢辰天稟卓絕人物魁岸聲如洪鐘自幼刻苦問學
 夜誦徹旦無書不讀而會極於周程朱子之學以格物
 為窮理之本篤行為修己之要自居幕職至秉旄節所
 至以教化為先務暇日輒從容庠序間授學者以求端
 用力之方東陽士闢義塾以迎之從游者數百人尋創
 家塾授其徒後以從官入侍經幃度宗問其講授之所
 御書石峽書院四字為扁仍賜手詔曰近進士一科文
 章盛而古意衰卿以儒碩創家塾以程朱之學淑其徒
 朕甚嘉之其眷遇如此所著有孝經解易外傳尚書釋
 傳大學中庸註釋格物入門諸書行於世學者因其所
 長稱為蛟峯先生肖像於石峽書院以祠之

弟逢振字君玉登景定進士第歷國史實錄院檢閱文
字遷太府寺簿宋亡退隱於家元世祖詔御史程文海
起爲淮西北道按察僉事辭不赴聚徒講學於石峽書
院以終學者稱爲山房先生以之配祀蛟峯其遺像贊
曰念春王應絕學是續派宗紫陽規修白鹿以身衛道
障川迴瀾大節匪虧進退可觀

兩浙名賢錄卷之三終

卷之四

